

J. m.  
2327



1772  
00-  
A. 1772




Willen der folgenden  
Liedern. Zeit 15.37.



Handwritten text on the inner margin of the book's binding, including the number '16' and some illegible script.





A

Trostlicher vnderricht in Haimfü-  
chung der Krancken vnd sterbenden.  
Durch Michaeln Keller  
zu Augspurg.



Mit zwayen schönen Trostbriefen  
newlich gemeret vnd gepefferet <sup>59</sup>





Q 2, 5095

An die glaubigen in Chri-  
stum daselbst.

**I**ch bin jr geliebten freünd Gottes  
vnd geschwistergite Christi/  
von vilen auß euch / zu vilma-  
len außs höchst erpetten / vmb einen  
klainen bericht / euch in hainsüchung  
Eurer Krancken vnd Sterbenden ges-  
brüder vnd Schwestern / zugeprauchen /  
desich mich dann so vil dest lieber vnder-  
fangen / angesehen / das weder ich noch  
die anndern Eltsten vnd mitarbeiter  
alhie im Euangelio Christi / an alle ör-  
ter zu allen zeiten (wie not wäre) nicht  
kumen mögen / Damit vnd aber inen  
den Krancken diser trost / von Got irem  
barmhertzigen vatter / durch sein trost-  
lich vnd gnadenreich wort / nicht entzo-  
gen / sonnder außs wenigest / doch von  
euch geraicht vnd mitgetailt wurde /  
hab ich disen kurtzen auß dem H. Gottes  
wort / züsamen gelesnen bericht / außs  
ainfeltigest verzeichnet / vñ zu trucken

A ij

eüch zu güte / verfertiget / den wöllet also  
zu kurzer anlaytung fassen / vnd die  
franken dest lieber haimzusuchen / für  
ain vsach an diehend nemen / dann es  
eüch ye besser ist / in dz klaghaus zugeen /  
dann in das trinckhaus / Ecclesiastes. 7  
Vrsach / dan im klaghaus ist das end al  
ler menschen zusehen vñ züberachten /  
vnd der lebendig vñ glaubig nymbt es  
zu hertzen / vñ wirt dardurch gepessert /  
Des thoren hertz aber ist im frewd vnd  
schenckhaus / welch slachen wieder dor  
nen krachen vnder den häfen zergeret /  
vnd eytel wirt / vnd am andern ort /  
sagt der weyßman / Beschwäre dich nie  
den franken haimzusuchen / dann das  
macht das man dich lieb hat / Darumb  
trachtend vnd eylend lieben Brüder vñ  
Schwestern / nach disem das Got gefelt /  
vnd eüch bessern mag / besonderlich zu  
disen engstlichen letzten zeyten / darinn  
Got der frum vñ getrew Vatter / vnder  
andern straffen / vil vnd manigerlay /  
eylende / vnerfarne / tödliche frank



haitn̄/vmb vnser sünd willen/als pflich  
rige straff (doch den gläubigen nur zur  
züchtigung vnd briefung) über vnser  
wecket/vñ zur besserung für vnser  
ausgestellet/Sälig sein dise/die also mit  
trauren/dann sy auch getröstet werdñ  
Mat. 5. Es soll auch hiemit nyemande  
kein zyl gesteckt sein / Als möcht man  
diesen bericht nach gelegenheit der Per  
son/zeit/vñ stat nit weytern oder schme  
lern/Sonder das er ain gemain Exem  
plar sein soll/darauf auch andere zeügs  
knuß vnd trostliche sprüch/auß bayden  
Testamenten angezogen mögen wer  
den/das ich dan den hochuerstendigern  
beuolhen will haben/dan es den nidern  
(welche diser bericht zu höhern dingen  
verursachen vñ bringen soll) geschriben  
ist/got verleyhe vns allen sein gnad/dz  
höchst vnd best güc zuerkennen/Amen.

Nich. Keller ain diener  
des Euangelij. L. W.  
zu Augspurg.

A iij

Der Visitator vnd haimfucher / soll  
zū dem Krancken also / wie  
volget / sprechen.

**D**er hailigsant Jacob vñ bote  
Cristi / im .5. ca. seins Sendbrie  
fes / spricht / Ist yemand Kranck  
vnder euch / der ruffe zū sich die Eltesten  
vonder gemain / vñ lasse sy über sich bet  
ten / vnd salben mit öle / in dem Namen  
des Herrn / vñ das gepete des glaubens  
wirde in auffrichten / vnd so er hat sünd  
gehan / werden sy im vergeben sein.

Das hab ich dir mein geliebter Brū  
der .n. oder Schwester .n. zū trost wöl  
len fürhalten / damit du doch anfeng  
lich erkennest vnd gewar werdest / wie  
genedig vñnd freündlich / sich Got der  
frum vñ trew vater zū den Krancken zū  
thut / Er will / Zum ersten / dz der Kranck  
vonden Eltesten haimgesucht vñnd ge  
tröst werde / Zum andern / das man für  
den Krancken bitten / Vnd zum letzten /  
das man im leypliche ergezligkeit inn

seinē names mittailen vñ er staten soll.

Für das erst/dieweyl die Eltesten/das ist/die Diener/so der gemain Gotes im Gotswort für gestelt sein/nicht an alle örter zu allen zeiten (wie not wär) kommen mögen/Sohab ich mich aufgemaschet/wie ain Christlich gelid an meines vaters haupt Christo/dich auch ain meigelid haimzusuchen vñ zutrösten/Dañ ich weiß wie hoch Gott vnser getrewer frumer vatter/die Francken vñ betriebten lieber/also was man den Francken thue/das hab man im selbs gethan/wie er dan sprechen wirt/am jungsten tag/Ich bin Franck gewesen/vñ jr habt mich nicht haimgesucht/Mach. 25.

Sihe mein Bruder oder Schwester/wol ain groß hayligthumb du worden bist/dieweyl sich Christus selbs dein so groß vñ hoch annymbe/vñ spricht/er leyde in dir/vñ sey in dir Franck/Wer wolt dann nicht geren mit Christo selbs Franck sein? Wer wolt nicht geren mit dem demütigistē gehorsam/die schwach

A iij

hait mit Christo dulden? Wer wolt nie  
mit S. Pauls sich in seinem leyden frey  
en/auf das der mangel oder fäl der trüb  
salen Christi/in seinem aignen leib auch  
erstattet wird? Col. 1. Wer wolt nicht  
gern durchlauffen den kampff/der vns  
im Herzogen vnnsers gelaubens Jesu  
Christ den volender fürgelegt ist? Wel  
cher/dain fürgelegt war die frey/d  
erduldet er das Creutz mit verachtung  
der schand/ Ja der ain sollichs widerspie  
chen von den Sündern/vmb vnser we  
gen in seiner höchsten vnschuld auß gros  
ser lieb erlitten vn erduldet hat. Heb. 12  
Derhalben sey getröst mein geliebter  
brüder oder Schwester/du hast noch nie  
bis auff's blüt widerstanden/ mit dem  
gegenkempffen wider die sünd.

Vergiß nicht mein B. oder S. dieses  
trostes / welchen zu dir redet / Got dein  
hymlicher vatter / als zu seinem lieben  
Kind / so er spricht / Mein Sun acht nicht  
gering die züchtigung des Herren / vnd  
weich nicht von jm ab / wenn du vom Her

ren gezüchtiget wirst/dann welchen  
der Herr lieb hat/den züchtiget er/Er  
gaislet aber ain yedtlichen Sun/den er  
auffnymbt/Prouerb. 3.

Hörst du/wie sich Got dir/als ain ge  
reuer vatter/mir diser deiner Kranck  
hait vnd züchtigung erkläret/vnd sich  
dir als seinem lieben kind/herfür stellet  
vñ anpeüt: Als solt er zu dir sagen/Wo  
ain Kind ist/da muß der Vatter sein  
sucht yeben/Widerumb wa nicht züch  
tigung ist/da sein Bastharten vnd nit  
Eeliche Kinder.

Merckest du war zu dein Kranckhait  
vnd dise züchtigung am ersten gut ist?  
Nemlich das du dich ain kind Gottes  
deines vatters/durch dieselbigen erken  
nen soltest/Dann hast du deinen vatter  
dies flaisch/zü ain züchtiger gehabt?  
Warumb woltest du nit vil meer vnder  
than werden dem vatter der gaisler vñ  
dies lebens? Dein leylicher vatter hat  
dich gezüchtigt wenig tag nach seinem  
tuncel/diser aber der hymnisch vatter/

A v

züchtiget dich zu nutz / auff das du die  
hailigung ergreiffen mögest.

Laß dich lieber. B. oder. S. dise väter-  
terliche haimsüchung nie beschwären.  
Ob wol ain yerliche züchtigung / weñ sy  
da ist / nit angesehen wirt / als ain frö-  
lich / sunder für ain traurig ding / Aber  
hernach / so man sy empfunden vnrecht  
erwegen hat / So gibt sy ain fridsame  
frucht der gerechtigkeit / denen so dar-  
durch geyebet sein.

Die yebung aber steet also / das du  
mein geliebter. B. oder. S. Got für dein  
trewen gnedigen vnnnd barmherzigen  
vatter / im vesten gelauben / nach seiner  
verhaiffung vnd zusagung halten wöl-  
lest / Ihere. 3. 1. Er hab auch dich ime an-  
genem / vnd zu ainem liebsten seinē kind  
durch Christum Jesum / seinen allerge-  
liebsten Sun vnsern Herren / gemacht /  
Rom. 8. Also das du vmb dises gelaub-  
bens vnnnd vertruwen willen / ain kind  
Gottes worden bist / Johānis. 1. So du  
nun ain kind Gottes worden / so bist du

auch ain Erb/nemlich ain Erb Gottes/  
vnd miterb Jesu Christi, vnd sprichst/in  
dem willigen kindlichn gehorsam/Ach  
mein vatter von himel vñ Jesu Christe/  
soll ich mit dir die herrligkeit haben/so  
müß ich mit dir auch leiden/Ro. 8. Dañ  
durch vil leyden/müssen wir in dz Reich  
der hymel geen.Act. 14. Doch geliebter  
vatter/acht ich dafür/das diser zeyt  
leyden/der herrligkeit nicht wert sey/  
welche an mir soll geoffenbart werden/  
Rom. 8. Sonder o vatter ich trag vnd  
leyd geren/in kindlichem willigen ge-  
horsam/dein vätterliche hailsame Rüt  
vñnd züchtigung/wie deinem gehorsam-  
men kind zymet/welches du dir getreuer  
er vatter nicht empfallen/Sonder mit  
diser eüsserlichē leiplichen schwachheit/  
raitzen/munter machen/vnd auffweck-  
en wöllest/auf das ich innerlichen meis-  
ner seel krankheit/das ist/den schedlis-  
chen vñnd tödtlichen schaden/meines  
ungehorsamen gemüts vñnd sündigen  
lebens/darbey mög gewar werden.

Zügleicherweiß/wie mein rechter/ge  
trewer/natürlicher vnd leiplicher vater  
ter/etwa wenn er mich sein geliebtes  
kind/vngehorsam/vnd von seinem wil  
len weyt außschwaiffen/findet/ja so ich  
alle väterliche trew mir von jm gesche  
hen/vergessen hab/so nymbt er ain rü  
ten vnd züchtiget mich/damit ich die  
übertretung erkennen/die empfangen  
wolthaten besser betrachten/vnd bey  
diser pflichtigen züchtigung vnd straff  
das geschehen übel schmerzlich beherzi  
gen/vnd hernach mich mit höchstem  
fleiß darvon miessigen/sein willen inn  
höchster danckperkait volstrecken soll.

Leben also auch du mein frummer aller  
trewester barmherziger Got vnd vater  
ter/hast du auff mich dein kind/von ju  
gent auff so grosse acht gehabt/das du  
auch die har auff meinem kopff gezelet.  
Math. 10. Alle meine weg gemessen/  
Prouerb. 5. auch mir mein brot ye vnd  
ye/auß deinen miltreichen henden be  
raytet vnd fürgelegt hast/Psal. 103.



Math. 6. Eysō wurddest du noch dein vāe  
terliches trewes hertz / von mir vil vnge  
schicktem kind nic prechen / sonder mich  
mit diser vātterlichē Kūten ermanen /  
das ich mit dem Franckē Hiskia / mein  
haus berayten / vnd mich mit im gegen  
der wand vnd tempel / welcher nun Chri  
stus ist / Cant. 2. wenden vñ naigen soll  
vnd mag / vnd hertzlich wainen vñ bit  
ten / 2. Reg. 20. Esa. 38. Waist du o  
Vatter hinder mir deinem Kind / ain  
besserung meines lebens / zū erweytter  
ung deiner eer / vnd lob deines allerhay  
ligisten Namens / auch zū nutz vñ will  
farung meines nechsten / so wollest mir  
meine tag mit Hiskia noch lenger er  
strecken / Genad vnd gayst verleyhen /  
das ich dich meinen geliebten vatter vñ  
gnedigen Gott / hinfüran mit höherm  
fleiss suchen vnd erkennen / von hertzen  
als das oberest vnd best güte lieben / vnd  
mitt den allerhöchsten Ceren / dich ain  
waren Got preisen möge / des ich mich o  
Barmhertziger Vatter / mittels deiner

genaden yetz bezeüget vnd gantzlich dar  
zu verbunden haben will / Doch in dem  
allen nit mein / sond dein will geschehe.

Wo aber dein will / geliebter Vatter  
ist / das ich dein kind / auß disem zeyt der  
trübsalen gefordert / vñ auß dem träher  
tal Neue Psal. 84. erlediget werdñ soll /  
So bin ich hertziger Vatter gantz wil  
lig / von dem leyb des tods / vom kercker  
der sünd / vnd von disem sterblichen sün  
digen flaisch / wie Paulus sagt / Ro. 7.  
auffgelöset vnd hingenomen werden /  
Auff das Christus groß gemacht werde  
in meinem leyb / Es sey durch leben oder  
tod / dan dieweylich waiß / das Christus  
ist mein leben / so muß sterben mein ge  
win sein / Phil. 1. Dann lebe ich / so lebe  
ich dem Herrn / stirb ich / so stirb ich dem  
Herrn / vsach / wir leben oder sterben  
so sein wir des Herrn / Rom. 14. dann  
eben darumb ist Christus auch gestor  
ben / vnd auferstanden / vñ widerumb  
lebendig worden / das er über todten vñ  
lebendig ain Herr sey.

Dann ich weiß o vatter / so mein yer  
disch hauß dise hütten. 2. Pet. 1. zerbro  
chen wirdt / das ich ainen baum von dir  
Got meinem getrewen vater erbauet /  
durch meinen vesten glauben vnd ver  
truen in dich / haben werde / ain hauß  
sag ich / nicht mich henden gemacht / son  
der das ewig ist im hymel. 2. Chorin. 5.  
Eben nach derselbigen behawung die  
vom Hymel ist / sene ich mich / vnd hab  
darnach hertzlich verlangn / schaff nur  
allain o vatter / das ich beflaydet vnd  
nit bloß erfunden werde / dann weyl ich  
in diser hütten bin / so bin ich beschwär  
et / darumb ich dann vil lieber mit ihe  
ner ewigen hütten überflaydet werden  
wolt / auff das dis sterblich von dem vn  
sterblichen / der Tod von ihenem leben  
verschlungē wurde. / 1. Cor. 13. Der mich  
aber zu disem beraitet / das bist du o ge  
trewer Got vnd vatter / der du mir das  
pfand / den h. gaist geben hast / in wels  
chem ich zu dir o vatter rieffen vnd sch  
reyen mag / Abba lieber vatter / bis mir

günstig vñ hold / durch dein lieben Sun  
Christum / Rom. 8. durch wöllichen du  
mich dir selbs versünet hast / dann Got  
war in jm / vnd versünet die welt mit jm  
selber / vñ rechnet jnen iresünd nicht zü /  
damit er vnns hat auffgericht dis wort  
von der versönung / 2. Chor. 5.

Darum so mag ich sicher mit Paulo  
sprechē / Christus ist mein leben / vnd der  
Tod mein gewin / Phil. 1. also das mir  
mein leben in Christo so tieff verborren /  
nun zü höchsten freuden raichen / Col. 3  
vnd sterben mir nützer dann leben sein  
müß / Tobie. 3. Dann weyl ich dahaim  
bin in disem leyb / so geeich wie ain Bil  
geram in dem abwesen vom Herrn. dan  
ich wandel im glauben vnd sich in nit.  
2 Chor. 5. So ich aber hinlegen werde /  
dis mein hütten / 2 Pet. 1. so werde ich  
es von angesicht zü angesicht sehen vnd  
erkennen / gleich wie ich auch erkennen  
bin / 1 Chorin. 13. Nun ist mir ye besser  
wol sterbē dan übel leben / So mag aber  
ye nyemandt hie wol leben / vsach / sich

ich an das eüsserlich leben / mit was eng-  
sten vnd gefärden es vmbgeben ist / sihe  
so finde ich zu hand / Das ain tayl dises  
lebens ist des schlaffs / des plachen to-  
des bildt nuß / Der annder tail / vergeet  
mit hunger / frost / hitz / keltten / Franck-  
hait / verfolgung / ellend / jamer / vnd in  
aller widerwertigkeit / Vndz / was inn-  
wendigs ist / als da sein böß begirden / ge-  
lusten / grob gedancken / haß / zorn / trau-  
rigkeit / schrecken / sorg kümernuß / vnd  
in Summa alles herglaid / dannenher et-  
lich Philosophi / in der gepurt der kind-  
der traurig / vnd widerumb in irem ster-  
ben frölich gewesen sein / vñ also den leib /  
der Seel kercker genennt haben / Was  
gibt anderst dem hayligñ Paulo vrsach  
zúschreyē / Rom. 7. Ich ellender mensch /  
wer wirdt mich erlösen von dem leyb dis-  
ses Todes? Ich danck aber Gott durch  
vnsern Herren Jesum Christ ic. Alsolt  
er sagen / Diser kampff des innwendig-  
gen vñ eüsserlichen menschen ist so groß /  
wo nit Christus hiezwischen kem / müßt

B

der mensch wol erligen / darumb er dan  
hart darauff Got dem vatter dancks  
saget / das er ime in seinem Sun Jesu Chri  
sto Sig geben hat / dises alles weyt zu  
überwinden / vnd spricht / Rom. 8. Ich  
bin gewis das weder tod noch leben / we  
der Engel noch Fürstenthumb / noch ges  
walt / noch gegenwertiges noch künff  
tiges / weder hohes noch tieffs / Ja kein  
Creatur in hymel noch auf erden / mag  
mich von der lieb Gotes / die mir in Chri  
sto Jesu vnserm Herren bewisen vnd  
erobert ist / nimmermeer schaiden.

Diser Sig aber geliebter. B. oder. S.  
kumpt dir also her / Nach dem vnd der  
listigen Schlangen biss so tödlich ver  
giffte / der fal vnd übertretung Ade / so  
verdamllich geweest ist / Gen. 2. das dar  
durch die sünd in alle welt kumen / vnd  
der Tod durch die sünd in alle menschen  
geschlichen ist / Rom. 5. dan der sünden  
besöldung ist gewesen der Tod / Rom. 6  
vnd widerumb der stachel oder krafft  
des todes / ist die sünd. 1 Chor. 15. so vol

get / das eben von der Sünd wegen / der  
tod über all menschen gefallen ist / durch  
den Tod aber die verdammuß / Also wo  
kein Sünd vorhanden gewesen / hett der  
tod kein anforderung an die menschen  
nymermeer haben mögen.

So nun geliebster. B. oder. S. dise dein  
schuld so groß / der tödlichschad deiner  
sünd so verdamblich / vnd der Richter  
so streng waren / das von der ernstlichñ  
gerechtigkait Gotes / so ain thewre büß  
darfür gefordert wurde / das Gotes sun  
selbest / in dem nidersten gehorsam / die  
menschhait angenomen / in derselbigen  
vnschuldigen vnd allerhailigisten men  
schhait / für aller menschen sünd leyden  
vnd sterbñ hat müssen. Jesa. 53. damit  
allen denen so sollich glaubten ain sol  
liche versönung vor Got dem vatter ge  
machtet / 1 Johañ. 2. auff das sy der sün  
den loß / deß strengñ vrtails frey / der ver  
damnuß ledig / vnd entlich dem gewalt  
vnd schrecken deß grausamen tods ent  
zogen vnd genumen wurden / Da ist der

B ij

gifftigen schlangen der kopff zertreten  
Gen. 3. dem erschrockenlichen Tod die  
zeen außgeprochen / Dsee. 1 3. der Hell ir  
sig genommen / 1 Chor. 1 5. also das du  
ecklich sagen magst mir Paulo / Tod  
wo ist dein stachel: Hell wo ist dein Sig?  
Gelt ir seyt in disem sig / den got der hym  
lisch Vatter durch Christum Jesum sei  
nen sun gebn hat / nicht nur allain über  
wunden / sonnder auch geplinderet / gef  
fangen / vn̄ gepunden gefürt / zu ainem  
hörschawen vnnd pranngen gemacht /  
Ewer Schildt vnd Helm auffgehencet  
vnd verspottet worden: vn̄ ob du schon  
dulstige Schlang / mir schaden zuthun  
dich vndersteest / so ist doch nur ain fer  
sen beissen / Schadet mir als ainem ges  
sunden gelid / an meinem sighafftigen  
haubt Christo gar nichts / du bist vil zu  
krafftlos / das dein biß mir schaden solt /  
Zu gleicherweys wie kein Hurn auß /  
dem sein stachel oder Angel genumen /  
nit zu fürchten ist (wie seer er auch Barm  
let) also fürcht ich mich auch nicht / vor



eüch krafftlose außgemerglete / Tod /  
Hell vnd Teüffel / vnd ob jr mich schon  
zübeissen vnd züstechen eüch vnderfiens  
get / Ey so ist es mir nur ain Suchschwanz.  
Also müst du mein lieber. B. oder  
S. mit hertzlichem vnd ernstlichem ver  
truwen vnd glauben / die sünd / den tod  
vnd die Hell / auff Christum trechen / vñ  
nach dem vñnd du sy auff in geworffen  
hast / so bald verschwinden sy / vnd zer  
fliessen wie der Schnee / Dann wie der  
tod an Christo erlegen vñ überwundñ /  
die Hell den Sig an jm verlorñ / die sünd  
vnd böß gewissen der menschen / durch  
in außgetilget vñ an das Creütz geheffe  
sein / Col. 2. Also wirdt ain yerlicher so  
durch den glauben ain gelid dem haupt  
Christo eingeleytet wirdt / in disen din  
gen allen Sighafft vñnd geweltig oblis  
gen / vñnd alles durch Christum der in  
mechtig macht / vermögen. Phil. 4.

Leben darumb bist du lieber. B. oder  
schwester in Christum vnd seinen tod ge  
taufft / auff das du in der massen anzie

B ij

hen/vnd dich damit als ain streitbarer  
held/wider all dein feind/sy seyen sicht-  
per oder vnlichtper klaiden soltest/dan  
wie dein sünd mit Christo in seinem tod  
erseufft vnd begrabn sein. Rom. 6. Also  
soltest du auch mit der gerechtigkeit  
Gottes beklaydet/frölich von sünden  
aufferstecken/die sünd mit irer besoldung  
zufuß treten/vnd dem matten/öden/  
boehender sünd/dem Tod/Teüfel vnd  
der Hellen/mit disen vnd deren gleichn  
trostlichen zusagungen Christi/begeg-  
nen/trutzbieten vnd sprechen/ich waiß  
vnd glaub/das Got die welt also gelie-  
bet/das er seinen ainigen Sun dahin ge-  
ben hat/Auff das alle diese an in glaub-  
ten/nit verloren/sonder das ewig leben  
haben solten/Johañ. 3. Dasselbig hat  
er mir vnd ainem yetlichen so sollich  
glaubē/durch sein trostlich wort aufge-  
tailet/vnd mit ainem schwür/sonders  
zweyfels vest zuuertruen vnzuhalten  
zügesagt/da er spricht/warlich warlich  
sag ich eüch/Wer mein wort höret/vnd

glaubt dem / der mich gesand hat / der  
hat das ewig leben / vnd kumpt nicht in  
das gericht / sonnder ist vom tod in das  
leben hindurch getrungen / Johan. 5.

Das ist der höchst vnd ainig trost / in  
dem alle angefochtne vn beschwerte ge  
wissen zu friden gestellt werden / Rom. 5  
Dann was mag dir mein geliebter .B.  
oder .S. tröstlichers begegnen / dann so  
dir von deinem Got vnd Herren / solche  
treffentliche zway stuck verkündigt wer  
den: Zum ersten / das Got der Allmech  
tig dir also günstig gewesen / vnd dich so  
hoch geliebet / das er seines ainigen vnd  
allergeliebsten Sins nit verschonet hat /  
Sonder in für dich dahin gegeben / Auff  
das du nicht verloren / sonder das ewig  
leben haben soltest / So du nun dises fes  
stiglich glaubest / vnd Christo also ver  
truwest / so ist dir dz ewig leben yetz schon  
zugesagt / Ist dan dir zugesagt dz ewig  
leben: So bist du von dem ewigen Tod  
der verdampfen / auch gelediget vnd ge  
freyet / Zum andern / sagt Christus / wer

B iij

also glaubt. *ic.* Kumbt nit in dz gericht.  
Bist du dan von dem strengen Gerichte  
Gottes durch disen dein glauben vn̄ ver  
truwen frey: Was mögen dan dir dei  
ne feind / Sünd / Tod / Teüffel vnd Hell  
schaden: Klaget dich yemand an: so ist  
Gothie vnd rechtfertiget dich. *Rom. 8.*  
verdamet dich yemandt: so ist Christus  
hie / der gestorben ist / ja vil mer der auch  
aufferweckt ist / welcher ist / zur Rechten  
Gottes vnd vertritt dich. Also müst du  
geliebter. *B. oder. S.* mitten im Tod  
dz leben bekumen / Ja wie Cristus sagt /  
mitten durch den tod in das leben hin  
durch dringen / so wirt dir durch deinen  
glauben / dein ganz leben in disem zeit /  
nichts anders dann ain sterben / ja der  
leyplich tod selbs / ain thür zum ewigen  
leben geachtet werden / wie Christus sa  
get / wer an mich glaube der wirt le  
ben / ober auch sturb. *Johan. 11.*

Das sein / mein geliebter. *B. oder. S.*  
dein waffen / damit du dem grausamen  
Tod vnerschrockenlich begegnen / vnd

durch den trostlichen wechsel / disen zeit-  
lichen Tod / vmb des ewigen lebens wil-  
lengeren dulden magst / Dañ du waist /  
das diß dein leben nichts anderst dann  
angst / not vñ sterben ist / denen du ymer  
dar allhie auferden begegnen / vnd mit  
inen im streytc also steen müßt / Job. 7.  
Warumb woltestu dañ nun in disem  
streyt nigeren Ritterlich fechten. dar  
inn du (auch mitten im tod) das leben  
ersigen magst: vnd ob schon diser dein  
Kampff hiezwischen / deinem flaisch zñ  
schwär vnd engstlich angesehen wurd /  
so solle dich doch trösten / das derselbig  
dein Kampff von Christo dir zñ trost ver-  
gleicht wirdt. Johā. 16. ainem weyb /  
welche wen sy gepürt / spricht er / so ist sy  
traurig / wenn sy aber das Kind gepo-  
ren hatt / gedennckt sy nit meer an die  
angst / vmb der frewd willen / das der  
mensch in die welt geporen ist / Eben also  
hat sich auch diß dein zergenglich lebē /  
welchs durch angst / not / heülen vñ kla-  
gen / als verordnete mittel / durch den

B v

tod in das vnuergenglich vnd ewig le-  
ben / geporen muß werden / alsdann so  
wirdt dein frewd vol / vnd nyemande  
wirdt sy von dir in ewigkeit nemen mö-  
gen. Dise frewd sag ich / welche kein aug  
gesehen / kein o: ye gehört hat / ja welche  
in kein menschlich hertz gestigen ist / Jesa.  
64. das Got beraytet hat / den ihenigē  
so in lieben. 1 Chor. 2. Eben darū will  
der haylig Paulus / das keinem Chris-  
ten nit zyme / vmb seine brüder oder sch-  
western / so dermassen im Herren ents-  
schlafen / zutrauen / dan sollichs feret  
an die Saduceer vñ Hayden / welche die  
auffersteung nicht halten noch glau-  
ben / Aber dieweyl du geliebster. B. oder  
S. glaubst / das Christus Jesus für dich  
gestorben / vnd dir zur gerechtmachung  
aufferstanden ist / So wirdt dich Got / so  
du also in disem glaubē entschlaffest in  
Christo / auch aufferwecken / vñ mit im  
führen / dem Herren entgegen in lufft /  
vñ wirst also bey dem Herren allezeit  
sein / Ja darumb hat er gewelt / das wir

uns mit diesen Worten vnderainander  
soltten trösten. 1 Thes. 4. Was mag dir  
aber trostlichers begegnen / dann das  
dein seel dise frewd vñ wunn (wie oben)  
sehen vnd besitzen / auch diser dein leyb /  
widerumb aufferweckt / clarificiert / vñ  
von dem sterblichen / in das vnsterblich  
verwandelt werden soll: darumb dann  
er S. Pauls / disen dein leyblichen Tod  
dem schlaff vergleicht / als solt er sagen /  
Zu gleicherweyß so etwa dein gütter  
freünd schlaffet / vñ doch zu bestympten  
zeyten du in auß dem schlaff erwecken  
magst / Eben also wirdt der Herr / am  
Jüngsten tag / mit ainem feldgeschray  
vnd stym aines Erzengels / vnd auß  
den Gottes / dich auch aufferwecken /  
vñ das wirdt geschehen / plözlich / in  
ainem augenplick / das diser dein ver  
wesentlicher leyb / verwandelt wirdt in  
ain vnuerwesentlichñ / vñ das sterblich /  
wirdt anziehen die vnsterblichait / vñ  
damit du des wol versicheret / vñ gar  
in kein zweyfel stellen möchtest / So setze

er die Christum zu ainem vnderpfand,  
1 Chor. 15. vnd spricht/ Christus ist auf  
erstanden von den todten/ vnd der erst-  
ling worden/ vnder denen die da Schlaf-  
fen/ auf das nach im auch ain yetlicher  
in seiner ordnung auffstehen solte/ dan  
also müste es geschehen vnd zügen/ Zu  
gleicherweyß wie der leyplich Tod/ so  
durch ainen menschlichen Adam/ in alle  
menschen eingeschlichen ist/ Ro. 5. also  
müste auch die auffsteung durch ai-  
nen menschen widerumb erholet wer-  
den/ Vnd wie wir in Adam alle sterben/  
Also müssen wir in Christo all widerum  
lebendig gemacht werden/ 1 Chor. 15.  
Selig vnd aber selig bist du/ dan lieber.  
B. oder. S. So du also in Christo entschlaffest/ so wirst du auch in Christo frö-  
lich widerüberwecket vnd auffstehen/  
vñ mit im das ewig leben besitzen mögē.

Das ist dein recht/ warhafftig via-  
ticū oder verfertigung/ auff disen weg  
zu der Selligkeit/ Welcher Christus ist.  
Joh. 14. auf welcher so du vnuerruckt/



in der warhait in sollichem vestem glau  
ben bleibest / vnd biß an dein end darauf  
beharrest / so würdest du in das ewig le  
ben vnuerhindert kumen / vn̄ am Jung  
sten tag aufferwecket werden / Der ge  
laub aber der dein schwache seel also ster  
cken vnd neren / dein blöd gewissen auff  
richten / vnd betreffigen soll / muß also  
steen / Das du vest / vnwanckelpar glau  
best / das Christus das war lebendig Hy  
melbrot / von hymel gestigen / dir so ain  
trostlich speiß vn̄ tranc̄ / zu erquickung  
deiner Seel sey worden / dardurch dir die  
obgenante zway stuck / das ewig leben /  
vnd die auffersteung / am jungsten tag  
zügesagt sein / wie dan̄ er Christus selbs /  
mit außgedruckten Worten dir verhaif  
sen hat. Johā. 6. vn̄ spricht / Wer mein  
flaisch isset / vnd trincket mein blüt / der  
hat das ewig leben / vn̄ ich werde in auf  
erwecken am Jungsten tag / hörest du  
mein geliebter. B. oder. S. was dich spei  
set vnd trencket / ja abfertiger zum ewi  
gen leben: Nemlich das war himelbrot

Christus selbst / Welcher dir so ain trost  
lich speiß vnd tranck ist wordn / in dem /  
das er sein allerhailigest fleisch für dich  
dahin in den Tod gegeben / vn̄ sein kost  
parliches Blut zu abwäschung deiner  
sünd vergossen hat / so du das vest vn̄  
wancelpar glaubest vnd vertruwest /  
so hast du das ewig leben / vnd würdest  
auch von Christo am jungsten tag ( wie  
oben gehört ) aufferweckt werden. Das  
ist der trost der dein seel vn̄ hertz stercken  
vn̄ krefftigen / dein gewissen versichern /  
ja dein ganzes schwachheit / aufrichten  
soll vn̄ mag / auch bis an den letzten  
hinschupff / darinn du dein Seel außpla  
sen müst. Diser trost ( sag ich ) beleybt /  
wenn die Augen nȳmer sehen / die Oren  
nȳmer hören / der Mund nȳmer spricht /  
vnd in Summa / so kein eüsserlich gelid  
sein Ampt meer thut / so bleybt doch dise  
speiß vnd das tranck / zu ainer erquick  
ung vnd sterck der Seel / ja zu ainer sich  
ern abfertigung / von disem zergenc  
lichen / in das ewig leben / das wolle dir

vnd vnns/ der Allmechtig Gott durch  
Christum sein geliebten Sun vnnsern  
Herren/ der sollich erworben hat/ ver-  
leyhen vnd geben/ Amen.

Für das Annder soll der Visita-  
tor vnd Haimsücher zum  
Krancken sprechen.

**D**u hast gehört geliebster brüder  
oder Schwester/ das sant Jacob  
weiter spricht/ die Eltesten sol-  
len für den Krancken bitten/ so werde des  
glaubens gepet dem Krancken helfen/  
vnd der Herz werde in auffrichten/ vnd  
so er hat sünd getan/ werdñ sy im verge-  
ben sein. Derhalbñ wollen wir so yetz im  
Namen des Herren hie bey dir versam-  
let sein/ anstatt der Eltisten für dich mit  
samt dir/ den Allmechtigen Got trew-  
lich bitten/ wie dann auch Christus vns  
allen/ also zuthun bevolhen hat/ da er  
spricht/ wa Zwen oder Drey in meinem  
Namen versamlet sein. da will ich mit

ten vnder inen sein / Math. 18. Ja was  
sy ains werden auff erden / warum bes  
ist / das sy bitten wöllen / das soll inen  
widerfaren von meinem vatter im hy  
mel / &c. So sein wir ye in seinem hayli  
gen Namen hieher zu dir kōmen dich zu  
trösten / für dich zu bitten / vnd allerlay  
ergetzligkeit dir zuschaffen / Se vñ aber  
wir bitten / wöllen wir zu sollichem auff  
richtigen gepett / vnser hertz zu vor rei  
nigen mit ainer gemainen offentlichen  
Beicht vnd Bekandnuß vnserer sünd /  
dieselbigen dem Herrn offenbaren / der  
sy allain zu erzeihen hat / vñ derhalben  
ime vnserer missethat vnd übertrettung  
in kein weg verhalten. Psal. 32. Sunder  
wider vnselbs vnder ain ainander wie  
Jac. sagt / bekennen vñd von grund  
vnser hertzen berēwen / vnd sprechen /  
O Herr Allmechtiger Got der du mei  
nes hertzen erforscher / meiner Nieren  
brieger / vnd aller meiner bösen gedanc  
en vnd lusten erkennest bist / ich waiß dir  
nichts zu klagen / das du zu vor nicht wis

fest / auch nichts bergen / dz deinen Göt-  
lichen Majestetlichen Augen nicht of-  
fenbar ist / So beschwären vñ betrengen  
mich yedoch mein sünd die ich mit wort /  
that vnd werck / wider dich o vatter in  
hymel / vnd wider meinen nächsten hie  
auf erden / schwärlich vnd manigfeltig  
lich begangen hab / Die geben mir vr-  
sach mit dem offenbaren Sünder / mit  
warem bereytem hertzen / für dein gne-  
dig vnd barmhertzig Augen demütig-  
lich zu fallen / vnd in vestem glauben  
vñ vertruwen / zu dir zuschreyen vnd zu  
sprechen / O Got biß gnedig mir armen  
Sünder.

Die Absolution soll von dem Vi-  
sitator oder Haimsücher also  
gesprochen werden.

**H**erre Got vñ barmhertziger Vae-  
ter / Wir glauben vñ wissen / das  
du nicht von wegen vnserer Beicht / son-  
der von deiner güte / vñ deines hailigen  
Namens willens / vergebung der sünd  
C

vns zugesagt hast. Psal. 24. yedoch so  
wir dir vnser sünd mit bereytem her-  
zen in vestem glauben vnd fürsag mit  
tels deiner gnaden / darvon abzusteen /  
bekennen / so bistu also trew vñ gerecht /  
das du vns vnser sünd vergeben / vnd  
von aller vnreinigkeit vns reinigen  
wilt. 1. Joha. 1. Damit vnd aber sol-  
liche Absolution vnd vergebung / vns  
allen vñ ainem yetlichen in sonderhait  
ausgetailt wurde / hast du O Vatter /  
vns allen das wort von der versünung  
aufgericht. 2. Cor. 5. Nemlich das trost-  
lich vñ gnadenreich Euangelium / in  
dem so vns darinn verkündiget wirdt /  
das durch disen vnsern glauben / so wir  
haben in den theuren tod vnd Blütuer-  
giessen Christi Jesu deines sons / vns vn-  
sere sünd verziehen sein / vnd nymermeer  
gedacht werden sollen / Darumb mein  
geliebter. B. oder. O. vertrau vñ glaub  
nur vest / vñ biß getröst / dir seind durch  
disen deinen glauben all dein sünd ver-  
geben / durch Jesum Christ vnsern Her-

ren/der darumb in die welt kumen ist/  
zū suchen vnd Seligzumachen/was ver-  
loren ist. Luc. 18. darumb wöllest nun  
hinfüran (wie auch wir alle) der gerecht-  
tigkeit Gottes leben/Amen.

Mit sollichen gerainigten glaubigñ  
hertzen/wollen wir auch bitten für alle  
die/so vns in vnser gepett/von Got vns-  
serm Herrn zubitten bevolhen sein/Als  
nemlich für ain gemaine Christenliche  
Kirchen/für die diener des Gotsworts  
vnd d. f. h. Euangelij/für ain Christen-  
liche Oberkeit/für die so noch nicht er-  
leücht sein/für die so vmb das gotswort  
verfolget/gefangen vnd abgeleibt wer-  
den/vñ in summa für alle trübsal/angst/  
not/küternuß/vnd jamer/so vns Ar-  
men ellenden kindern Heue/hie auf dis-  
sem jamertal begegnen/Insunderhait  
aber für disen.n.oder für dise.n.vnsern  
zc.B.oder.S.welche zc.Got vnser trew-  
er gnediger vnd barmhertziger vatter/  
außsonderlichem seinem genaigten wil-  
len vnd wolgefallen/mit diser schwach

C ij

hait vnd Franckhait seines oder ires ley-  
bes / als mit ainem mittel seiner vätter-  
lichen rüten züchtiget / ermanet vñ auf-  
wecket von dem schlaff der sünd / das er /  
jm oder jr / am ersten wölle durch sein ge-  
nad vñ gaist / die schwachait seiner oder  
irer Francken seel / darbey gründlich zü  
erkennen geben / Auff das / Er oder Sy /  
derselbigen gesundhait / fürnehmlich  
durch den vesten glauben vñnd vertru-  
wen / auß dem trostlichen Gotswort vñ  
verhaissung Christi / pflegen / vñ ire seel  
speysen / erneren vnd erquicken / ja von  
Gode dem Herren vnd sälligmacher Chri-  
sto nicht abweichen / sonder auffrichtig  
an jm / in diser Hainsüchung vnuer-  
rückt bis an das end / beleyben mögen.  
Züm andern / das jm oder jr / Got wölle  
meeren vnd stercken seinen oder iren ge-  
lauben / dis sein oder jr Creüz in warer  
gedult zuleyden vnd zü tragen / zü lob /  
Eer vnd preis des aller H. Namen Goe-  
tes / zü besserung vñnd aufferbawung  
des Nächstten / vnd zü fürderung / seiner



oder irer/seel hail. Vnnd für das dritte  
vnd das letzte/Sobitte ains für das an-  
der/damit vns Got der Allmechtig alle  
erhöre/verzeihe vnd vergebe auch aines  
dem andern/von hertz vñ Münd/wort  
vnd that. .ic. vnd insunderhait du mein  
geliebter. B. oder. S. auff das vns vnd  
dir/der Allmechtig Got/vnsere vnd dei-  
ne Sünd/vergeben wölle. In sollichem  
vesten glauben/vnd auffrichtigen gü-  
ten willen vnnsere hertzen/wollen wir  
indem namen Christi (wie er vns geleh-  
ret vñ beuolhen hat) Mat. 6. Joh. 15.  
auff sein zusagung vnd verhaissung bit-  
ten/vnnd von grund vnnsers hertzen  
sprechen.

**U**nsere vatter in dem hymel. Dein  
Name sey hailig. Dein reich kome.  
Dein will geschehe auf erden wie im hy-  
mel. Unser täglich Brot gib vns heüt/  
vnd vergib vns vnnsere schuld/wie wir  
vnsern schuldigen vergeben/vnd füre  
vns nit in versüchung/Sonnder erlöse  
vns von dem übel. Dann dein ist das

C iij

reych / vnd die krafft / vnd die herrliche  
keit in ewigkeit. Amen.

Für das dritt vnd letst soll der Dist-  
rator oder Haimsücher sprechen

**E**S will der hailig sant Jacob das  
man den krancken mit öl salben  
soll / im Namen des Herrn / damit er zu  
versteen gibe / die ergetzlichaitleiplicher  
wilfarung / so den krancken bewisen soll  
werden / dann zu seiner vnd der andern  
Aposteln zeiten / in welchen sy das Evan-  
gelium vnd die frölich Botschafft von  
Christo dem Sun Gottes / außtrügen /  
vnd in allen örtern der welt verkündig-  
ten / giengn sy nach dem beuelch Christi  
hin / predigten / legten die hend anff die  
krancken / vnd salbeten sy mit öl / vnd  
machten die krancken gesund / Math.  
10. Mar. 6. dann also war es dozumal  
not / auff das / das new / vngehörte vnd  
ungepredigt Euangelium / mit wunder-  
zeichen bestätiget wurde / Auff welche

weiß der. H. S. Jacob weyland ain Bis  
schoff vnd wächter der Kirchen Christi  
zu Jerusalem / seine andere mitarbeit  
er im Euangelio zuchin auch also er  
manet / vnd ist also hernach dise ölsal  
bung (ob wol wunderwerck nie geuol  
get sein) lang gehalten / vnd von jres  
ersten hailigen brauchs wegen / die hays  
lig ölung von den Alten genant wor  
den / Nun aber / so das Euangelium ge  
predigt vnd fast an allen orten der welt  
erschollen / vnd mit wunderwercken be  
stättiget ist / So wirdt hend auflegen /  
mit öl salben / vnd was dergleichen eüs  
serliche ding meer sein (mittels welcher  
Sy die Apostel / ja auch Christus selbs /  
wunderzaichen dozumal thetten) vn  
nötig / vñ auch vergebenlich geachtet /  
Besonder dieweil die wunderwerck (als  
vnnötig) nie folgen / wie dan im Bab  
stum ersehen ist / vnd noch täglich wirt /  
Welche auß diser ölsalbunng ain not  
wendiges stuck / ja gar ain Sacrament  
gemacht haben / also das es den Franck

C iij

en vnd sterbenden geraicht / vnd zu ges  
sundmachung inen anzusalben / verord  
net worden ist / Was aber nutz vnd hail  
der Seel / vnd wolfart der leyplichen ges  
sundthait / den Francken bis anher dar  
außerfolget / ist besser bewuſt dann hie  
not zuermelden.

Derhalben will vns hinfüran solche  
vnd dergleichen vnnötige ja vergebens  
liche ding zu vnderlassen / gepüren / Son  
der / die Francken mit andern leyplichen  
ergezligkeiten (wie Christus beuolhen  
hat Math. 25) zu bedenccken / Als nem  
lich nach dem das gemüt vnd hertz des  
Francken / auff den waren hymliſchen  
arzet (welcher Christus ist) über sich ge  
füret / wie oben gehört / vnd also der Seel  
gesundthait geraten vnd geholffen ist /  
So soll man alsdā in kein weg / andere  
von Gott verordnete mittel / leyplicher  
gesundthait zu güit / verachtē / oder als  
vnnötig vnderlassen / wie dā Christus  
selbs sagt / das die Francken des Arzets  
bedürffen / Math. 9. damit dann er bey

der eüsserlichen gesundhait pflegung/  
die innerlich zübedencken verstand ges  
ben hat/darumb hat auch S. Paulus. 1.  
Chor. 14. die leyplichen gesundmach  
ung/vnder den gaben des gaists mitge  
zelet/Also nemen auch an/Histias vñ  
Tobias/des Engels Rat mit den Feye  
gen vnd Fisch/vnd werden mittels der  
selbigen durch die gnad Gottes gesund/  
Jesa. 36. Tobie. 6. Also gibt Paulus  
seinem Francken Timotheo ain Rat/  
zū gesundmachung seines schwachen  
magens/hinfüran mässiglich weinzü  
erincten. 1 Thi. 5. Ja es laßt auch der  
Samaritanen verwundten bey Jeri  
cho nit verderben/sonnder verbindet im  
sein wunden/geüßt im öl vnd weindar  
ein/treget sein sorg/ja schafft alle mittel  
zū wilfarung seiner gesundhait. Lu. 10

Vnd in summa/welches Dchs oder Esel  
ist yeschadhaft wordē/dem nit alsbald  
geholfen ist? Lu. 14. Wieuil aber hö  
her vnd trefflicher ist der mensch/dan  
ain Dchs oder Esel? Math. 12. Ey war

C v

umb wolten dan wir dir / geliebster. S.  
oder S. dise mittel / durch welliche der  
Herr vnser Gott vnd barmhertzig vater  
ter / dem menschen gesundhait geben  
mag vnd will / abschlahen oder entzie-  
hen. Ja es sol dir nicht ain stinckend er-  
schymelt öl / mit ainem langen Catha-  
logo erzehlung vnd anruffung der hay-  
ligen (desh wir kein beuelch haben / ja  
stracks hie wider S. Jacob ist) angesal-  
bet werden / sonnder wir wollen dir / im  
namen des Herren alles (so zu willfar-  
ung deines leiplichn gesunds / vom Her-  
ren zum mittel verordnet / auch inn die  
natur gepflantz ist) vertraulich auff  
die gnad vnd barmhertzigkeit des hym-  
lischen Arztes Christi / raichen / der hoff-  
nung vnd trostlicher zuversicht / Er der  
Herr / werde dises alles zu gesundhait  
deines leybs / gnediglich gedeyen las-  
sen / darumb bis nur getröst / vnd sihe  
steiff auff den Herrn / der dir das grösser  
zusagt / wirdt dir das geringer sonders  
zweyfels auch laisten / Eben darumb stan

den wir deine freünd / ja geschwisterger  
Christi allhie dir bey / von des Herrn wes  
gen deines leybs gesundhait / nach noc  
durfft williglich zupflegen.

Mit dem soll sich der Visitator oder  
hainsücher zu des Franckñ freünd  
wenden vnnnd sprechen.

**I**n geliebtñ freünd Gottes / jr habe  
gehört was groß hailigthum eüch  
Got der Herr / in disem Franckñ hat auf  
gericht vnd fürgestellt / Also wer im die  
ner / der diene dem Herrn selbs / vñ was  
man dem Francken beweyse / das werde  
dem Herrn selbs bewisen / wie wenig vnd  
gering es auch gesein mag / also dz auch  
ain trunck kalts Wassers im glauben  
vnnnd Christenlicher lieb ime geraicht /  
sein belonung haben wirdt / Mat. 10.  
Wer wolt dann auß eüch / an dem ort zu  
dienen nit willig sein / dahin der Herr  
selbs sein dienst gestellet hat? Ja wer  
wolt Christum / so er leyplich entgegen

vnd Kranck wäre/nicht geren/heben/  
legen/speysen vnd trencken: Fürwar  
sag ich eüch/was jr thut ainem vnder  
disen seinen geringesten Büidern/das  
habt jr im selbs gechan/Math. 25. Es  
schreyt das ganz Papstum ja die gang  
welt vmb güte werck/nyemandt will  
aber nach disen wercken/so das oberst  
güt Christus/züwircken verordnet hat/  
trachten/vnd dieselbigen für die heind  
nemen. Was ist es doch durch got nutz/  
Ja wer hat es gehaissen/das man gen  
Rom/Ach/Ainsidel/ja gar züm haylig  
gen Grab/raysen/kirchfart geen/oder  
wallen sol: Da ist das haylig grab/dar  
inn Christus/mit allem das er ist vnd  
hat/rüet/Ezech. 37. 2 Cor. 6. Das ist dz  
recht/warhafftig lebendighailigthum  
Psal. 15. Jesa. 8. in welches er der Herr  
sein Eere/so jm von vns in disem zeyt  
eüßerlich vnd leyplich geschehen solte/  
gewendet haben will. Math. 26. Wie  
soll Martha vnmieffig vnd bey dem  
dienst des Herren emsig erfunden wer



den/Luc. 10. Hiesoll Maria des Her-  
ren füßsalben/Vngent vñ allen kosten  
gar nit sparen/Lu. 7. Hiesolten die rey-  
chen diser welt dem Herren wüchern.  
Prouer. 19. 1 Timoth. 6. ja mit dem  
Wamon der vngerechtigkeit inen all-  
da freünd machen/die sy in die ewigen  
hütten nemen möchten/Lu. 16. Disem  
hayligen opfferet Ewre willige opffer/  
gaben vnd handtraichung / wie Eüch  
Got beuolhen hat. 2 Chor. 8. vnd. 9. 1.  
Chor. 16. Ro. 16. Dann Petrus/Pau-  
lus/vnd anndere verstorben hailigen/  
sein nun sällig/bedürffen es nicht/ja be-  
geren es auch nit/sein ander rüe/essen  
vnd trincken am Tisch des Herrn. Lu.  
22. das ist/sy werdñ ersettiget vom an-  
gesicht vñ klarheit Gottes/Disem hay-  
ligthumb wachend/vñ bettet im/steck-  
et im auch zñ nachts liecht auf/zñ will-  
farung seiner leylichen notdurfft/die  
ihenigen so selig sein/brauchen nicht dis-  
ses/sonnder das ewig liecht. Zñ dem/so  
sein jre Biltnuß/denen jr sölichen dienst

beweyset / stain vnd holz / haben augen  
sehen nit / Oren hören nit / Mund vnd  
reden nit / Hend vnd greiffen nit / fuß  
vnd geen nit. Psal. 113. In summa / es  
sein werck der menschen hend / vnd ain  
grosser verpottner greuel Gottes.

Lieben mit gelider Christi / Nemend  
dieses Krancken eben gewar / dann er ist  
euch zu ainem schawspiegel / darinn der  
welt End ersehen wirdt / fürgelegt / bese  
hend euch wol darinn / dann das jr yetz  
seind / war er newlich / vnd widerumb /  
was er der Kranck yetz ist / mögen jr zu  
hand werden. Bedencket auch eben bey  
euch / jme dieses zübeweysen / welches jr  
dan euch in gleichem fal wolt geschehē /  
dan eben darumb mischet der Herr vnt  
er dieso gesund sein / die Krancken / Auf  
das sein werck zü beyden tailen / zü dem  
waren Sabath des fürderlicher gericht  
vñ gefördert wurde / Nemlich also / das  
im gesunden der Küsttag / im Kranck  
en aber / der rechte Sabath des Herren  
erfunden werde / Dan also muß Got der

vatter mit Christo seinem Sun vnserm  
Herren / den waren Sabath / in seinen  
aufferwölten für vnd für rüsten / vñ sein  
werck darinn vollenden vnd außföhren /  
Johan. 5. Eben das will sant Paulus  
Heb. 4. das wir vns diser rwe sollen be-  
fleissen / inn welche so yemandt gangen  
ist / der soll von seinen werckñ (wie auch  
der Herr selbs) rüwen / dem Herren still  
halten / vñ in den Herren / mit im lassen  
machen / Psal. 37. biß er sein werck zum  
rechten Sabath bringet vnd volendet /  
Darzü vnns allen der herrschend Herr  
Sabaoth / durch Christum Jesum sein  
Sun vnsern Herrn / mittels seiner gna-  
den / verholffen sein wölle / Amen.

Wie dem beuilhe ich eüch alle in den  
schutz Gottes vnners trewen vatters /  
Der wölle durch Jesum Christ / Ewre  
allen pflegen / Amen.

Der frid Gottes sey bey Eüch.

Ein Trostbrief an ain Christen-  
liche vnd Erbare Person/ Wel-  
cher jr Eegemahel vnnnd Vatter  
neulich/ auff disem zeyt von Got  
geforderet sein/ Durch Michae-  
len/ Keller/ auff. XIX. Januarij/  
des XXXI Jars gen Augspurg  
Ir zugesandt.

**G**rad vnnnd Frid von Gott dem  
Vater/ durch Jesum Christ vn-  
sern Herren. Geliebte Schwes-  
ter im Herren/ Wo eüch von dem hays-  
ligen S. Job nit ain herlicher trost züs-  
lez verlassen wäre/ So möchtet jr wol zü  
böchster klainmütigkeit yetz zumal ain  
vrsach haben/ vnd der traurigkeit nit  
vnvillich statt geben/ Angesehen das  
eüch eür geliebste freündt/ so jr auff dis-  
sem Erdrich vnzeit allhie gehabt/ vom  
Herren hingenumen sein/ Dann was  
hat Got yeliebers in der schöpfung den  
menschen eingepflanzet/ dann Vatter

vnd Wüetter/ Weyb vnd Man: Mat.  
1. 9. Gen. 2. So wunderen ains vom an-  
dern genommen/ vnd ains das ander ver-  
lassen muß/ Wer möchte sich traurens  
vnd klagens erwerben: Nyemandt sag  
ich/ dann allain diser/ der dem hailigen  
Job glaubet/ welcher vmb Vatter vnd  
Wüetter/ Sün vnd Töchtern/ hauf vñ  
hof/ vich vnd knecht/ nit allain kumen/  
sondervon welchem auch/ sein aigen Ee-  
weyb abgewichen/ vñnd zü dem allem/  
kein züversicht bey den menschen züver-  
hoffen hette/ Da er also anfahet vñnd  
spricht/ mitten in der allerhöchsten be-  
trübnuß. Job. 1 4. Der mensch lebe ain  
kurzezeit/ vñ ist vol vnruen/ Er geet auf  
wie ain blüm/ vnd felle ab/ vnd fleücht  
wie ain schatten/ vnd bleibt nit/ er hat  
sein bestymbrezeit/ Die zal seiner Mo-  
naten/ stat o Herr bey dir/ du hast sein  
zyl gesetzet/ das wirdt er nit übergeen.

Sihe mein geliebte Schwester/ Was  
diser theür Mann Gottes Job/ seinen  
flaischlichñ freündē/ ja auch dem gegen

D

wurff seines ewigen flaischs antwurte  
ter/dan als seine freünd/ja er selbs nach  
flaischlicher anmütung / vermainten/  
Job heet ainen vngnedigen Got/der in  
vmb seiner sünd wegen/so hefftig vnd  
mechtig angriffe/Also das inen gesehen  
wurde/als wäre kein betrübter vñ an  
gefochtner mensch/auf der weyten Er  
den dann Job/Da müßt Job sich wey  
ter vmbsehen / vnd nit allain sein anli  
gen vnd bekümmerniß/wie sy eüsserlich  
im werck auf in lagen/betrachten/son  
der auch sollichs mechtig vnd geweltig/  
täglich/ja all augenplick/über alle crea  
tur vnd menschen auff dem gantzen  
weyten erdboden/künfftig/erkennen/  
Vnd sieng an vnd sprach zu seiner freün  
din/Job. 12. Was redet jr so dürstige  
lich wider Got? ja was gedenc ich inn  
meinem ewigen flaisch wider in? frag  
man doch das Vich/das würde vns leer  
ren/vnd die vögel vnder dem hymel/die  
werden vns sagen / rede man mit der  
erden/die würde vns anzaigen/vnd die

Fisch im Meer/die werden uns erzele/  
Wer weißt sollich alles nie/das des  
Herren hand das alles gemacht hat:  
das in seiner hand ist die Seel/vnd alles  
das lebt/vñ auch der gaist alles fleisch  
aines yetlichen/Bey jm ist weißheit vñ  
gewalt/wen er zerbricht mag nyemand  
auff bawen/was er verschleißt/mag  
nyemand auffthun.ꝛc.

Hiefach Job an/sein bekümmernuß/  
vnd pilliche/fleischliche/traurigkeit/  
so im vor andern allen menschen zuhan  
den gestanden/Am ersten an den crea  
turen/zustillen/vnd spricht/was sollen  
wir menschen/vns wider Got vil setzen:  
diweyl wir doch sehen/das sich solliche  
zufäll/gehling vnd vnuersehenlich en  
derungen/in allen creaturen/des hy  
mels/der erden vnd des Dicks/täglich  
zutragen/ja auch der Fisch im Wasser  
nie sicher ist/dann wir wissen das dises  
alles/des Herren hand gemacht hat/  
vnd das in seiner hand/nie allain der  
mensch ist/sonnder auch/hymel/erden/

D ij

die vögel in lufften / das vich auf erden /  
ja auch die vifch in dem tieffen vnd pray  
ten Wör / vnd in fuma alles das da lebet  
vnd feel hat / auch der Gaift aines yetli  
chen flaiſch / vnd ſchleüßt vnd ſpricht / iſt  
doch diſer verſtand bey den alten gewe  
ſen / vnd diſe weißhait / bey den groſſuät  
tern / Als ſolt er ſagen / das hetten wir  
von vnſern Eltern / denen auch die crea  
tur / zu ſollicher weißhait vnd verſtand  
haben dienen müſſen / erlernen mögen /  
Also das ſy Gottes deß Herren hymels  
vnd erdtrichs / geweltige hand / in der  
täglichem vnd vilfeltigen enderung der  
creaturen / erſehen vnd erlernen / ja das  
ſy auch / wie Paulus ſagt / Rom. 2. Auß  
den ſichtbaren Elementen diſer welt / dz  
vnſichtper vnd Maiſterlich weſen vnd  
werck Gottes / erkennen haben.

Wie welchem allem Job ſich am Er  
ſten tröſtet / auff das er die geweltigen  
vnd Maiſterlichen hand Gottes / als  
ain vernünfftige / verſtendige / weiſe vñ  
kluge creatur / ja als ain Bildnuß Got



tes / des bas erdulden vnd ertragen mö  
ge. Dann die weyl er sieht / das der vogel  
in lufften / der yetz singt / vñ sein gefieder  
erschwingt / ja der am allersicheristen  
ist / von dem Herren auff das Erdrich  
nider gestürzt / vnd von den menschen  
oder thieren gefangen vñ verzert wirt /  
wie vil meer sol sich der mensch willig in  
des Herren hand ergeben: dannenher  
dann Christus spricht / Mat. 10. Kaufft  
man nit zwen Spatzen vmb ainen pfen  
ning: noch fallet derselbigen Kainer auf  
die erden / on ewren Vatter im hymel /  
Darumb sein ewre har auch auff dem  
Haupt gezelet / so fürchtet eüch nit / jr  
seind weyt besser / dann vil spatzen / Als  
solt er sagen / sehet jr menschen disen wil  
len der hohen Maiestet Gottes / auch  
über die Spatzen also gethan sein / das jr  
Kainer wie gering vñ vnansehlich sy  
seind / on den willen des Herren / nit auf  
das erdrich felt / wie vil meer sollen dan  
wir menschen / in allen zufällen Götli  
ches willens zufriede sein / vñnd damit

D ij

vns ersettigen lassen / das sollich von  
dem gnedigen / barmhertigen vñ aller  
besten Gottes willen vnd wolgefallen /  
vnd auß seiner fürsichung geschehen sey /  
diuweyl wir doch wissen / das on seinen  
willen / keinem menschen nit ain herlin  
von seinem Haupt fallet / Math. 10.  
Wer wolt sich dann wider disen seinen  
willen (wie er es auch mit vns machet)  
setzen: vñ über demselbigñ seinem werck  
als ain vnweyser / vnuerstendiger / ja  
als ain Hayd / wie Paulus sagt / noch  
erst trauern: 1 Thes. 4. Dann Gottes  
werck vnd will / zergeen nit also bey vns  
Christen / wie dan geschicht bey den Hai  
den / welche (als Paulus hernach sagt)  
kein hoffnung nit haben / vermainen  
nach dem der mensch auß disem zeit ab  
geschaiden ist / es sey gerade eben mit im  
auß / als mit ainem vnuerständigen  
thier / wissen nit das sollich werck / auß  
des besten gütes (welches Goe ist) willen  
geschicht / darum trauern sy irer freünd  
halber / so sy auß disem zeit abgefördert

vnd hingenommen werden.

Wir aber/dienit allain Got auß den  
Creaturen wie die ihenigen erkennen/  
sonnder auch auß Gottes Gaist/durch  
Christum erworben vnd in vns gossen/  
Tit. 3. zu erkandnuß Göttlicher are  
vnd wesens kumen. Act. 17. vnd durch  
den gaist Gottes widergeporen/getröst  
gestercket vnd versicheret sein/Röm. 8.  
haben weyt ain ander hoffnung dann  
die ihenigen/ Dann wir glauben/das  
Jesus Christus/welcher/ob er wol inn  
Göttlicher gestalt war/hat ers nit ain  
raub geachtet Got gleich sein/Sonnder  
hat sich selbs geeüßert/vnd die gestalte  
aines knechts angenommen/ist wordn  
gleich wie ain ander mensch/vnd ange  
perden wie ain mensch erfunden/hat  
sich selbs ernideriget/vnd des Vatters  
willen/in allen leyden gehorsamlich er  
duldet bis zum Tod/ja bis zum tod am  
Creüz. Phil. 2. gestorben/begrabn/am  
dritten tag herrlich vnd geweltig auff  
erstanden/zu hymel gefaren/vnd in die

D iij

Glori vnd herrligkeit des Vatters eingang  
gangen ist / vnd das alles von vnser we  
gen / Also wer das glauben / vnd sein  
hertz darauf vertrauen / sich des ver  
trösten mag / das es im von dem gnedi  
gen willen Gottes also zugüt geschehen  
sey / diser wurde die hoffnung haben. 1.  
Thess. 4. wasserlay trübsal / kümernuß /  
an leyb vnd güt ime widerfüre / ja so es  
auch sterben solte gelten / So wurde er es  
geren willig vnd gehorsamlich annem  
men / vnd sich darein ergeben / dann er  
waist wie er mit Got steet / vnd das er  
durch dises alles mit im zühulden küm  
men ist / Er waist inn vnd durch wen er  
leidet / er waist auch wie Cristus / durch  
leyden / trübsal vnd kümernuß / inn die  
höchsten wunne rüe vnd freüd / ja in die  
glori des vatters eingangen ist / Lu. 24  
das im auch sein leyden / trübsal vñ ster  
ben / eben nach dem selbigen willen des  
Vatters / also zum allerbesten gedeyen  
vnd gerüchen muß / Stirbt er / oder ster  
ben im dieseiten ( vnd ob es auch die als

lergeliebsten wären / die er auff Erden  
hette) so spricht er doch in seinem hertzn /  
Christus der Herr ist gestorben / begrab  
ben / auffstanden / zu hymel gefaren /  
lebet vnd regieret in der herrligkait sei  
nes hymnlichen Vatters ic. Also werdñ  
auch meine Vatter / Mütter / mein ges  
liebster Egemahel / meine kind / geschwi  
stergit / vnnnd freünd / So sy dermassen  
(wie oben gehört) gelaubt haben / inn  
vnd durch Christum den Herren / wi  
derumb auffsteen / vnd in ain bessers /  
volutumners / vnprestenhafftes leben /  
das ewig wirdt / versetzet / Warüb wolt  
sich dann yemandt mit seinem trauren  
dermassen stellen / als ob er sölich seinen  
freünten nit günnet. Diweyl doch der  
h. Paulus mitten in tods gefärligkait  
ten / sich des gefrewe vn getröster hat /  
vnnnd gesagt. Phil. 1. Christus ist mein  
leben / vn sterben mein gewin / darumb  
hab ich lust abzuschaiden / vnd bey Chri  
sto zusein. Wer wolt sich nun wider dis  
sen genedigen / vnnnd allerbesten willen

D v

Gottes aufflainen? Wer wolt sich des  
dings beclagen vnd das bewainen / des  
sich billicher allemenschen auf dem gan  
gen Erdrich frewen / vnd ire hend mit  
freunden auffheben / dem Herren lob /  
danc / vnd preis darumb sagen solten /  
Nemlich dz dise seine geliebte freünd / etc.  
von Got dem Herren so gnedig bedacht  
wären / das er sy auß dem Kercker des  
Tods vnd Sünd erlediget. Rom. 7. auß  
dem träherthal zum lebendigen brun  
nen gefürt. Psal. 84. vnd in Summa das  
er sy als seine geliebte kind / durch Chris  
tum seinen lieben Son vom Tod in das  
leben gepracht hette. Johan. 5.

Darumb will dir geliebte Schwester /  
nachdem du auß Gotes wort wol berich  
tet / vnd in vnd durch den glauben an  
Christum kummen bist / in kainen weg  
(wie andern völcern so kain hoffnung  
haben) für deine Egemahel / Vatter  
vnd freünd / zurauren zymen. Dañ ge  
laubst du / das Jesus Christus gestorben  
vnd erstanden ist / So wirdt auch Gott

dise deine freünd ꝛc / so sy in Christo ent-  
schlafen sein / in Christo widerumb er-  
wecken / vnd sy mit im führen dem Her-  
ren entgegen in den lufften / vnd wer-  
den hernach bey dem Herrn allzeit sein /  
Das sein die wort. S. Pauli. 1. Thess. 4  
Damit er will / das wir (so vns yemant  
auß diesem zeit gefordert werde) vns vn-  
der ainander trösten sollen. Mercket  
wol / mein geliebte Schwester / Trösten  
sage S. Paulus sollen wir ainander / vn-  
nic klagen / Dannenher ich dann dich  
von deines lieben Egemahels vn Vate-  
ters wegen (welcher auffersteenng Chri-  
stus sein wolle) nit klagen / sonnder trö-  
sten / vnd disen Trostbrief dir zu schrey-  
ben hab wollen / wiewol mir vnuerpor-  
gen / das sich des Menschen flaisch nit  
erweren mag / so yemandt von seinem  
flaisch vnd leyb nur ain glied verlieren /  
vnd darumb kumen wurde / wiewil we-  
niger wirdt man es lassen mögen so es  
anden ganzen leib geet. Tun ist ye wie  
Christus vnd Paulus sagen / Mat. 19.

1 Chor. 7. Man vnd Weyb ain flaisch  
vnd leyb / so nahet zusammen befreündet /  
was ainem widerfaret / dz es auch dem  
andern beschehe / darauß wir dan sehen  
mögen / dz es nit nur allain natürlich /  
sonder auch auß Gottes wort / vnd dises  
Stands einpflanzung / volgen muß /  
das ain Egemahel für den andern (so  
deren ains von Got durch den leylichn  
Tod von diser welt abgefodert wirdt)  
sich entsetzen / vn̄ nach dem flaisch trau-  
ren muß / Also auch für die Elteren / die  
von wegen der natürlichen gepurt / vn̄  
ferm flaisch so anmüttig sein. Aber doch  
soll dasselbig trawren / sagt Paulus /  
Christlich / nit Haidnisch sein / das ist / es  
soll ain End nemmen / nicht für vnd für  
(wie der Haiden vn̄ vnglaubigen trau-  
ren) werden / Dann die Christen haben  
hierinn zuhoffen / die Haiden aber vnd  
vnglaubigen nichts / Der Christen hoff-  
nung ist / das die ihenigen so auß disem  
zeit vom Herren abgefodert werden /  
vnd jr hütten hinlegen. 2 Pet. 1. in Kai.



nen weg nit sterben / sonnder das sy  
durch iren glauben / densy an vnd auff  
Christum (der das leben vnd auffstee  
ung ist) Johān. 11. haben / vom tod in  
das leben hindurch dringen Johān. 5.  
Darumb dann Christus sagt / Wer an  
mich gelaubt / ob er gleich sturbe / der  
wird leben. Johān. 11. Daher dan den  
Christen / lannge Heydnische traurig  
keit / vmb der abgestorbenen wegen / von  
S. Pauls abgeschlagē wird / sonst möch  
ten sy von zwayer ding wegen verarg  
wonet werden / Aines tayls / das sy nit  
glaubten / Des andern tayls / als wol  
ten sy iren freündē. 2c. das leben im Her  
ren Christo / nit gönnen / Das ist auch  
ain vrsach / das der patriarchen vñ Erz  
uätter im Alten Testament traurig  
keit vnd klag / nur ain bestymppte zeit  
geweret hat / wie im Ersten vnd Fünff  
ten büchern Mosi / an den letzten capit  
eln / in Jacobs vnd Moses Tod bewis  
sen ist.

Also wusteder H. Paulus seinem era

wölten vnd verordneten wächter vnnnd  
Bischoff / nichts bessers / zü trost allen  
berrüben / vnnnd betümmerten gewissen /  
ja auch allen sterbenden vnd leydenden  
menschen / zü predigen verordnen vnd be  
uelhen / dann das er predigen solte / Chri  
stus Gottes Son / geporn auß dem So  
men David / ist erstanden von den tod  
ten 2c / 2 Timo. 2. Warlich er hat das  
gerhan vmb kainer andern vsach wil  
ten / dan das man dise frucht der auffe  
steung (wie ich dan dir meiner allerlieb  
sten Schwester im Herrn / yetz für den Er  
sten eingang züm trost angezaigt hab)  
füchen soll / Dan wo wir allain in disem  
zeit auff Christum zuhoffen hetten / So  
wären wir die ellendisten vnnnder allen  
menschen / 1 Cor. 15. darumb S. Pauls  
hernach sagt / was stünde ich dann alle  
stund in gefar: bey vnserm rüm / den ich  
hab in Christo Jesu vnserm Herren / ich  
sterbe alle tag / hab ich allain menschli  
cher weiß zü Epheso mit wilden thieren  
gefochten / was hilfft michs / so die Tod

ten nicht auffersteen: alsolt er sagen/  
wir Christen haben weyt ain anndern  
rüm/dan̄ das wir auf menschliche weis  
leyden/das ist/on hoffnung/vnnd wie  
Petrus sagt/als ain mördert/dieb oder  
übelthetter oder frembds güts süchtig/  
1 Pet. 4. Sonnder das wir railhafftig  
werden der leyden Christi/dann so wir  
mit leyden/so werden wir auch zur herr  
ligkeit erhaben/Ro. 8. Darum̄ dan̄ S.  
Paulus alles was im gewin war/vmb  
des überschwangs der erkantnuß Chri  
sti/vnd der krafft seiner Auffersteung  
willen/für schaden/ja auch für tot ges  
rechnet vnnd geachtet hat/darmit er  
durch gemeinschafft seiner leyden/dem  
Tod Christi änlich/vnd der auffstees  
ung/von den todten begegnet möcht.

Nun wollen wir den H. Job im. 14.  
hernach fernner besehen/da er sich trö  
stet ab dem menschen/den er mit seiner  
farb was er ist/vñ was er von dem Her  
ren zuwarten hat/gar hüpsch fürher  
streicht/Damit er dann allen betrübs

ten / sonderlich yetz die geliebte Schwester in disen zufälligen vnd vnuersehenlichen wercken / so auß dem gütten vnd gnedigen willen Gottes / barmhertziglich / ja auch sälliglich mit deinem lieben egemahel vnd Vatter fůrgangen vnd geschehen ist / dest trostlicher sein möge / das wöllest mit hohem fleiß / wie volgen wirdt / bedencken vnd im hertzū warhafftiger wegen.

Zum Ersten / Als Job sein trawriges Kait so im von hinnemung seiner Kinder Sün vnd Töchtern / gütter vñ hab :c / begegnet war / vñ nach dem er sich (wie oben gehört) von den vnuernünffigen thieren getrostet hette / So fahet er her nach an / sich auch zu trösten von dem menschñ / vñ zaiget an / was der mensch doch sey / wielang er doch lebe / was seine gütte tag seind / ob sein Ennd in seiner hand stande / Ob auch yemandt ferner dann der will vnd fürsatz Gottes ist / leben möge / Mit wellichem allem er zu versteen geben wil / wie so gar geren sich

der mensch des gegenwertigen lebens  
in diser zeit verwegen / vnd das er dar  
von erlediget werde / hertzlich on vnder  
lass begeren soll / Vnd spricht der mensch  
lebet ain kurze zeit / was möchte doch /  
mein allergeliebste Schwester / dir dein  
trauren bas biessen / dann das wörtlin /  
kurzezeit. Er spricht nit / zehen / zwain  
zig / dreissig / vierzig / 2c / Jar / Sonnder  
der mensch lebet ain kurzezeit / so hast du  
dich nit zü beclagen / dann dein Vatter  
vnd Egemahel / nit ain kurzezeit / son  
sy baid vil jar gelebt haben / ja der Vate  
ter also lang / das er nach der benedey  
ung vnd dem Segen Gottes / nit allain  
seine Kinder / sonder auch Kinds Kinder  
gesehen hat / vñ nun frölich der yetz ain  
vatter worden / zü seinen vätern in die  
rūwe ganngen ist / warumb woltest du  
dich dises nit pillicher frewen dan trau  
ren. darumb das sy baid dises lebens al  
ler vnruē vol (wie hie Job sagt) abkom  
men seind.

Zum andern / so spricht Job / Der mēsch

℥

gang auff wie ain Blüm / was ist aber  
lieplicher vnd holdsäliger / dann ain  
liepliche vñ wolgefärbte Blüm die sich  
auffthut / vnd mit ainem lieplichen an-  
sehen vnd güten ruch fürher geet: yeder  
man sich sy geren / hat lust vnd wolge-  
fallen darab / als ab ainer schönen vnd  
lieplichen creatur Gottes / yedoch mit-  
ten in dem lust / so fallet sy die blüm da-  
hin / wirdt in ainem augenplick welck /  
fleücht wie ain schatten / vnd so man sy  
am allerliebsten hette / sihe so ist sy nym-  
mer / Gerad also geet es mit ainem yec-  
lichen menschen / so auff dises Erdrich  
entsprossen vnd geporen ist / auch zu Er-  
der mensch faret daher wie ain schöne  
blüm / wechset / grünet vnd plüet / ist im  
auffnemen. ist wolgefärbet / ist lieplich /  
freündlich / holdsälig vnd gerad / Also  
das in desselbigen menschen nyemande  
gnüg sehen mag /c / Ee vñnd man aber  
sich umbsihet / Sihe so ist er nichts / Ur-  
sach / dan alles flaisch ist gras / vñ all sein  
schöne / wie die blüm des velds / Esa. 40.

Leben also ist auch / geliebte Schwester /  
dein Egemahel gewesen / mitten in der  
plüest vnd blümen / lieplich vnd Grien  
auffgangen / Aber nach dem willen vñ  
wolgefallen / ja auch nach der ewigen  
mal vnd fürsehung Gottes / ist er von  
disem zeyt abgeforderet / Wie möchtest  
du dich dann des beschwären: Dieweyl  
hie stat / Er der mensch fallet dahin / ver  
geet wie ain schatten / vnd bleibt nit / ic.  
welchem Keim nit allain Er dein Ege  
mahel / sonder auch wir / ja das gang ge  
schlecht der menschen vnderworffen ist /  
Vnd soll derohalben auch dir / so vildest  
besser vnd leydlicher zudulden vnd zu  
tragen sein / dieweyl sy baid / vnder vnd  
auf dem volck / vñ der gemain / die Got  
bekennen / in Got glaubet / Gottes ord  
nungen sich besleißiget / abgeforderet  
sein / vnd du selbst von in baiden / zeüg  
knus des glaubens on lanngest vor iren  
abschiden / genügsam vernumen hast.

Zum dritten möchtest sagen / ja wa  
mein Vatter nit so plözling / vnuerseh

ner sach / vnd gehling abgefördert wä-  
re / So möchte es mir aber ringer sein ic.  
Auff sollich / antwertet dir hie gar  
fein Job vnd spricht / Der mensch hat  
sein bestympte zeyt / die zal der Monats-  
ten standen O Herr bey dir / Hörest du  
was hie Job sagt: Es sey ainem yetli-  
chen menschen sein stund vnd zeit / vom  
Herrn bestymmet vnd auffgesetzt / ja  
ainem yetlichen zyl vñ zweck gesteckt /  
die nyemandt übergeen mag / Daher  
dann die Alten den Tod mit ainer Or-  
gepildet haben / vñ der Weißmansagt /  
Gedenck vnd betrachte deß Endes auf-  
gang / so wirst du nymermer fälen Ec-  
clesiastici. 7. Als solt er sagen / es will ain-  
nem Gotsäligen wol zymen / das er sei-  
netäg / mittele / Psal. 55. vñnd soll die  
rechnung nit auf die letzansteen lassen /  
dann der Tod treget die sünd / vnd das  
stündlin bringet den tod / also das der tod  
gewiß / die stund aber deß tods vngewiß  
ist / Dann die zal O Herr / sagt Job / aller  
Monaten statt bey dir / du zelest jar vnd



Monaten / du gibst vnd setzest maß vnd  
zyl / nyemandt mag sy überschreyten / ja  
eben durch vñ mit diser weiß vnd maß /  
hat vns Gott munder vñnd wachend  
machen wollen / darumb dan Christus  
seinen Jungern vnd allen glaubigen /  
die gangen welt zū ainem vatterland /  
vnd jr rüe vnd bleyben nit hie an ainem  
ort / verzeichnet / damit dann er die für  
ge vñnd vn sicherheit jres lebens ange  
zeigt / vñnd sy mit dem Exempel / des  
thorechten Reichen Mans / der sein sch  
ewren weytern / vnd füllen / sich nider  
setzen / essen vñ trinckē wolt / erschreckt  
hat / wie das der Herr zū ihm hab gesagt /  
du Thor / heüt in der nacht / werden sy  
dein Seel von dir nemen / Luc. 12. Also  
hat auch ihener Philosophus wol vnd  
recht gesagt / es gildet gleich / ich sterb bes  
hend oder langsam / auff dem erdrich  
oder in der höhe / So ist überal ain glei  
che weyte / zū hymel oder hell / darumb  
auch die gang H. schrift alle menschen  
früe auff munteret zür büß / auff das so

der Herr kum̃e / wir beraittet sein / es sey  
zu mitternacht oder mittentag / frue  
oder spat / es sey in einer ganzen / hal-  
ben / oder viertail Stund / ja auch in ai-  
nem augenplick / dañ der Reim des H.  
Job / haist also / die bestymppte zeyt / die  
zal der Monaten ic / stunden o lieber  
Herr bey dir / ja es soll vns nur lieb sein /  
das dise zeit vnd das Stundlin vnnsers  
abschids vnns verporgen ist / vnd nit in  
vnserm wissen steet / dañ es vns nit nutz-  
lich vnd fuerderlich / sonder mer hinder-  
lich sein wurde / Also beleyben wir nach  
dem Rat Augustini bey tãglicher / stã-  
ter vnd emsiger buß / vnd verziehen es  
nit bis auff den Knopff / vnd auff disen  
letsten puncten / der doch nit in vnserer /  
sonder des Herren hand steet / dañ sonst  
nennet S. Augustin / ainen sollichen ver-  
zug vnd aufschub / ain spãte / gefarliche  
buß / *Sera penitencia periculosa est.*

Seyttemal dann eben das / die weiß-  
maining vnd will des Herren ist / das  
er ainem yetlichen zyl vnd zeyt stecket /

seine Monatzet / die stund auffsetz /  
welche nyemandt übergeen mag / war  
umb woltestu dan dich / mein geliebte  
Schwester / ab disem gehlingen abschied  
entsetzen vnd trauern? Ist nit das auß  
dem gnedigen / barmherzigen / güten  
vnd wolgefelligen Gottes willen ( wie  
oben gehört ) geschehen? Oder hat diser  
meer vortails vor Gott / der langsam  
hingenummen wirdt / vordem der geh  
ling vnd behend abscheidt? Haben sy  
nit baid die bestympten zeit vnd zal / ja  
auch das gestecktzyl vnd die auffgesetz  
ten stund / ain yetlicher auß sein züge  
aignete vnd verordnete weiß vom Her  
ren? Wer will dan so kün vnd durstig /  
ja auch so freuenlich sein / vnd dem Her  
ren in seinen willen / ja wolgefallen re  
den? aines vordem andern gut sagen /  
vñ das ander tadeln? Ey so laß ab mein  
geliebte Schwester / vñ gibe es disem  
haim / der da spricht / Das wirdt nyem  
mandt übergeen /c. Hebe vil meer dein  
hend auff vnd sprich / lieber Herr / ist es

℥. iij

Dann also mit vns gethan / das vnser  
abschids zyl vnnd zeyt / dein vnd bey dir  
ist / so sag ich dir danck / lob vnnd preiß /  
das ich doch mit langwirigem schmerz  
gen / meines geliebten Vatters vnd Ees  
gemahels abschid nit gesehen hab / son  
der das du sy bayd / nach deinem fürge  
setzen / vnd also eruelten vnd inen auf  
gesteckten zyl / genedig vnd senfft in der  
still abgefördert / vnnd mich vnd sy / nit  
in vngedulthast kumen vnd fallen las  
sen / ich will auch gnediger Gott vnnd  
vatter / mein zeit fürtterhin mitteln /  
das ist / in anfang / mittel vnd end mei  
nes leben mit besserem vnd höherem fleiß  
sehen / damit mich dein zyl / zal vn̄ zweck  
mir von dir geordnet vnd gesteket / all  
zeit beraytet finden mög / Das wöllest  
mir o Vatter / durch Christum Jesum  
deinen Son vnsern Herren / mittels ge  
naden des H. gaists zü betrachten vnd  
zü erkennen geben / Amen.

Der ander Trostbrief/ einer Er-  
barn Person/ newlich vom Her-  
ren mit schwärer Kranckhait/  
hefftig angegriffen/ Durch Mi-  
chaeln Keller gen Augspurg zu-  
gesandt/ Auf Ersten Februarij/  
im .XXXI. Jar.

**G**rad vnnndfrid von Gott dem  
Vatter durch Christum/ wün-  
sche ich dir geliebte Schwester/  
Ich hab dich am jüngsten nach der leer  
S. Pauls/ 1 Thes. 5. als ain klainmüt-  
ge vñ betrübte schwester/ inn der hefftis-  
gen eüsserlichen hainsüchung des Her-  
ren/ nit von deiner/ sonder der anderen  
vom Herren abgefoderten Personen  
wegen (deren auffersteung Christus  
sein wölle) getröstet/ So sihe ich das yetz  
der ander thail Pauli/ auch an dir selbs  
erfüllet muß werden (dann also mech-  
tig vnd treffenlich haltet Gott ob dir)  
Darumb ich danēben denselbigñ thail

℞ v

Pauli / mitt dir yetz auch aufrichten  
muß / Für das erst / da er Paulus be-  
wilt / vnd spricht / Tröstet die Klain-  
mütigen / duldet / übertraget vnd helf-  
fet auf / dem Krancken vñ schwachen /c.  
Das ist ain h. Göttlicher beuelch / inn  
schriffen vnns von Got überal bevol-  
hen / Sonderlich aber hie nach dem trost  
der betrübten / setzet bald hernach Pau-  
lus / das man die schwachen vnd Kran-  
cken / übertragen vnd inen auffhelffen  
soll / vnd braucht sich aines worts / das  
sonderlich ainem Christen zuhergön gon  
soll / dann Antechesthe / subleuare / nem-  
met oder helffet auf / zaiget an / das di-  
ser last / so vnnsern brüdern vnd Schwe-  
stern vom Herren auferlegewirt / auch  
vnnsere sey / der eingeleibten art halber  
der glider / so wir habñ an dem leyb Chri-  
sti / dannenher S. Paulus am andern  
ort / eben dasselbig / als die erfüllung des  
gesetz / anzeücht / da er spricht / Ainer soll  
des andern bürde tragen / Gal. 6. Dan  
welliches glid ist am leyb / das mit dem

andern nit ain hertzlich mitleyden hat /  
so das annder geschediget vnd verletzet  
wirdt: Nun sein wir ye glidmaß / an ain  
nem leyb vnnsers Herren Jesu Christi.  
1. Chor. 6. vñ 12. cap. von welches Fran  
ckhait wir gesund / vnd von welches tod  
wegen wir lebendig wordn sein. Esa. 53  
1. Pet. 3. So nun wir das finden in dem  
leyb / von der glider wegen geschehen /  
wievil mer sollen die glider vñ des leybs  
willen / der die glider zusammen füget / vñ  
erhellte / sollich thun: vnd das so vil dest  
meer / ye meer vñ stercker / die glider  
am leyb gefestiget / angelencket vnd ge  
sundt sein.

Dieweyl vnd aber du / mein geliebte  
Schwester im Herren / nit ain vnendts  
pfindtlichs glid am leyb Christi bist / son  
der inn vnd durch den vainen glauben /  
im angelencket vnd eingeleibt / ja auch  
gar eigen worden / vnd dich in Christli  
cher lieb den andern glidern vnd glau  
bign am leib Christi / als ain lebendigs /  
thattigs / gesunds vnd dem leyb anhörs

rigs glid / ye vnd ye erzaiget hast. Wie  
möchte nun ich vnd anndere deine mit  
glider / vns dein nit annemmen: dir nit  
auf helffen / vnd dich übertragen: So  
doch Christus der leyb selbist / in dir vnd  
allenglaubigen glidern leydet / vñ was  
man dir / ja auch dem geringesten auß  
den seinen thut / dz hat man im gethan.  
Math. 25. Act. 9. Sach. 9.

Das hat Cristus gar hertzlich (auch  
dieweil er noch mit seinem leiplichen bey  
wandel bey seinen Jungern woneet) zu  
erkennen geben / als sein lieber freünd  
Lazarus Francklag. Johān. 11. vñ  
da sein Schwester Martha im dem Her  
ren anzaiget / das Lazarus gestorben  
wäre / da wainet Christus gar hertzlich  
vnd jamert in die ellend vnd armzellig  
Condicion vñ eigenschafft / ja auch  
das zerstörlich vñ prestenhaffrig wesen /  
des sterblichen menschen / Wie möchte  
dann ich mich / ob dir meiner geliebten  
Francken Schwester / hertzlich mit ley  
dens enthalten: vnd mit Martha vnd



Christo selbs / von deiner wegen nit klagen vnd laydig sein: dan mir ist kundtbar worden / wie der Herr dich so ernstlich / am leyb / schwachait halber / haim gesücht hat / (das es auch dir als ainem schwachen weyplichen gelid) gnüg sey / Dannenher ich eben mit dir / wie Paulus Phil. 2. von seines Francken junger Epaphroditon wegen / ain solliche hohe traurigkeit empfangen hab / das mir diese traurigkeit über die andern all gewachsen ist / angesehen / das du nit allain von deines Egenmahels vnd Vatters abschied wegen bekümmert / sonnder auch auß hefftigest an deinem leib vom Herren angegriffen bist.

Warumb solt ich dann nit behend meinem schwachen glid (der ich yetz auß gnaden stercker bin) zu hilff kumen: So doch bey ainer ainigen Schwester mit Namen Thabita (die auch durch den glauben dem leyb Christi angelencket vnd eingeleynet was) so vil brüder vnd Schwestern / als sy zum leyplichen Tod

Franccklag / beygestannenden sein / vnd sy  
nit allain in irer schwachait getröset /  
geduldet / aufgehoben vñ übertragen /  
sonder auch nach dem hailign̄ S. Petro  
gargen Joppe gesandt haben / Auf das  
er sich nit verdriessen ließ zū ihnen zukom-  
men / vnd Petrus hat sich bald auffge-  
mache / vnd ist dahin kumen. Act. 9.

Gerad eben also mache ich mich yetz  
auch auf / zū dir meiner lieben Franccken  
schwester / zū kumen / Wiewol nit nach  
meinem flaisch / so ich doch von got kein  
höhere frewd (wo es möglich wäre wie  
du waist) nit haben möchte / Aber ich  
kum dannocht zū dir / vnd ob Gott will  
nit on frucht / Nemlich mit meinem  
gaist / gangen hertzen vnd gemüt ic / So  
begegne nun mir vnder wegen (wie Pe-  
tro) ander brüder vñ schwestern / so umb  
dich herum gestanden / vñ zaigen mir  
mit wainen an / deine Klayder / das ist /  
das du dein Arme / hunngerige / blosse /  
dürfftige / vñnd ellendige mitglieder / so  
Christlich bedacht / vñ auß deinem über

gen / iren mangel züer setzen vnd erstat-  
tet werde / so miltigklich verordner hast.

Was muß dann ich thun? Warlich  
nichts anders / dan das Petrus gethan  
hat / hinein geen zü dir / alle wainende  
vnd cläger / hindan von dir treyben  
(dann mit waynen vnd clagen wirdt  
man nichts außrichten) vnd mit inen  
auff meine fuß fallen / vñ gegen deinem  
leyb / das ist / vmb dein leipliche gesunde  
hait zü Got dem Herren / dem wir leben  
vnd sterben. Rom. 14. glaubhafte mit  
S. Petro schreyen / Anna mein geliebte  
schwester stee auff / das ist / sihe über sich  
zü deinem hymlischen Arzter / der nit al-  
lein der schwachen leyb / sonnder auch  
aller schwachen vñ sterbenden Seel ain  
hymlicher vñ starcker / lebendiger Got  
vnd Arzter ist / Welcher den Acht vnd  
dreissig jarigen lammen gesund vnd auß-  
gerichtet. Johā. 5. Den Sichtebrüch-  
igen ersezet Matthei. 9. dem Weyblin-  
den zwelf Jarigen Blutfluß gestellet.  
Luc. 8. Lazarum seinen lieben freünd.

den viertägigen begraben / herfür ger  
rüffte vñ lebendig gemacht / Johā. 11.  
vnd Thabitam im gebett Petri auff  
gerichtet / vnd auch widerumb zum le  
ben gepracht hat / Act. 9. Dz ist der Got  
dem wir leben vnd sterben / gesund vnd  
francē seind / Ja bey welchem francē  
sein / gesundthait ist / vñ hinwiderumb /  
bey welchem gesundthait frannckthait  
geachtet wirt / Dan er ist der nyemant  
gesund macht / dan er sey zuuor francē /  
vnd widerumbhin / machet er nyemant  
francē / dann er wölle das werck der ges  
sundmachung / nit allain am leyb / sons  
der auch an der Seel yeben / wie dann in  
allen wercken Christi sollichs erfunden  
vnd ersehen wirdt / Ja er ist auch der /  
welcher nyemandt in den hymel füret /  
er sey dann zuuor in die hell künen / wie  
es dann auch Christo selbs erganngen  
ist / Psal. 15. das ist souil gesagt / nach  
verzagung gibet der Herr mit vñ hertz /  
nach dem tod das leben / nach traurig  
kait / frewd / nach vnruhe / frid / nach

schmerzlicher Franckheit / genißtvñge  
suntheit / ja auch nach dē tag das liecht  
Vnd in Sumā / nach allem das tod vnd  
sterben haist / das leben / welches nie als  
lain in disem zeit / sonder dort in ihener  
welt ewigklich beleiben wirt / Das dir 8  
hymlich Arzet Jesus Christus Gottes  
sun vnser Herr (der darū in dise welt  
kūmen vnd gesandt ist Lu. 19. zūsuchen  
vnd selig zumachen was verloren war)  
verleyhen vnd geben wölle Amen.

Dises alles / will ich / mein geliebte  
schwester / mit der ganzen Kirchen all  
hie zū. **A.** on vnnderlaß dir zūerpitten  
nit auff hören / dieweyl vnd ich ye nach  
dem Rat S. Jacobs / nit bessers auf dis  
mal schaffen kan / da er will das die El  
tisten auß der gemain / für die Francken  
bitten sollen / vnd das glaubig gepett /  
werde dem Francken helffen / vñnd der  
Herr werde in den Krancken auffrich  
ten / vnd ob er sünd hab gethan / werdñ  
sy im vergeben werden.

Für das ander / muß ich dir / meiner  
§

geliebt̄schwester / noch ainen trost auß  
S. Paulo geb̄n. Da er auch seinen Ephe  
siern mitten inn iren trübsalen ainen  
trost schreiben wolt / schrib er nit meer  
dann also / Erlöset die zeit / dan die tåg  
seind böß / vnnnd praucht sich abermals  
aines worts / welches anzaigt / das ai  
nem glaubigen die zeit nit allain züer  
lösen / sonder auch züerkauffen vnd an  
sich zupringen sey / das ist / das wir vns  
sere überige tåg (darinn wir büß sollen  
würcken 2. Pet. 3. des Herren willen  
vns befleissen / auff vnsern nechsten se  
hen / vnnnd ob es auch mit schaden aller  
zeitlichen güter / ja auch vnserer ewigen  
leyb vnd leben geschehen müßte) nit ver  
geblich verschleissen sollen / Was ist das  
anderst gesagt / dann das wir nit also  
inn hauffen hinein leben sollen / wie die  
Gottlosen / die ire tåg (als David sagt.  
psal. 55) nit mitteln / Sonder alle stund  
vnd zeit vnsern anfang / mittel vnd end  
wol betrachten / Eccle. 7. dannenher wir  
vrsach geren züsterben erlernen mögen /

Nemlich so wir bedenccken / wie wir auß  
staub vnd zergenclichem gemacher vñ  
beschaffen / widerumb zergenclich sein  
vnd zunichten werden Gene. 3. wie wir  
alle Creatur auf disem weyten erdrich  
zufragen habñ. Rom. 8. vielangwrig  
doch vnd bestendig vnser sach in disem  
zeit sein werde. Job. 13. So wirdt vnns  
von irentwegen Solomon antworten /  
Eccle. 3. Es ist alles eytel / faret alles da  
hin an ainen ort / Es ist alles von staub  
gemacht / vnd wirt widerumb zu staub /  
darumb sezet Paulus hinzu die vrsach /  
warumb wir die zeit erlösen sollen / vnd  
spricht / dan die tag seind böß / nit zu ver-  
steen an inen selbs / dan sy güte von Gott  
beschaffen sein. Gen. 1. Sonder von we-  
gender gefarligkeiten vnd bösen zufäl-  
len / so den menschen darinn begegnen /  
2. Timoth. 3.

Nach dem aber wir dise vnnsere zeitt  
also erlösen / vnd vnser übrige tag der  
massen mitteln / vnd aller gestalt (wie  
oben) das alles behertzigen / So werden

wirt täglich mit David wol sagen müssen. Psal. 36. frembding vñ nur allain innwoner/sein wir o lieber Herr: hie auf erden/wie dan all vnser Väter geweest sein. Tu wol an diser der frembd ist/der ist hie nit dahaim/sein wir dann nit hie dahaim/so müssen wir nach ainem andern vatterland/das nit disem gleich/sonder warhaft vñ ewig wirt/trachten/wie dan Christus eben darumb die seinigen von diser welt erwölt, vnd inn vnd durch iren glauben/in ain annder reich das nit von diser welt ist, versetzt. Johā. 14. ja er selbst zu Pilato darumb gesagt hat. Math. 26. Mein Reich ist nit von diser welt/als solt er sagen/ich hab ain annder reich da man nit geprechlich Regiert vnd lebet/Sonnder da ain ewiger König/vnd ain ewigs Reich in frid vnd gerechtigkeit Esa. 9. Luc. 1. von meinen Jungern ingenomen vnd besessen wirdt.

Wer wolt dann nun/nit geren sich aufmachen/vnd zu ainem sollichen her-



ren vnnnd Künig (so er von jm beruffet  
wurde) ziehen vnd kumen: dannenher  
vns allhie David recht vn̄ wol Bilger  
am nennet / als solt er sagen / O lieber  
Herr / du hast vns ain solliche lange vn̄  
weyete / ja ernnstliche Bilgerschafft ge  
leget / darinn wir so ferr raysen vn̄ endt  
lich dahin kumen müssen. Nemlich / das  
wir vatter vn̄ miter / weyb vnd mann /  
Kinder / Schwester vnd brüder / auch allen  
vn̄sern freündn̄ vn̄ der gangen welt vs  
laub geben / vn̄ auf disem Erderich von  
inen allen gar gelassen vnd sy aufgeben  
müssen / ja auch vn̄ser aigenzeitlich leb̄n  
selbs / damit wir zu dir o vatter in das  
ewigwerend vatterland kumen möḡn /  
Dahin dann auch all vn̄ser vätter (so  
in sollichem glauben abgestorben) hin  
gangen vnd kumen sein / vnnnd alsbald  
wir nun auff disen weg / mit sollichem  
rechten glauben / warhafftiger Gött  
licher lieb / vn̄ vn̄gezweyfler hoffnung  
von Got begabet vnd beraittet werd̄n /  
So seind wir yetz (wie Paulus sagt)

nymmer frembding vnd Gest/ Sonnder  
seind burger mit den hailigen vñ hauff  
genossen Gottes/ Ephes. 2. vñ ist nichts  
meer überigs/ dann nach disem sterbli-  
chen das vnsterblich vñ ewig zū besigen.

Bedürffen derohalben nit mer/ dan  
fürterhin nur vnstrefflich vnd vnuer-  
ruckt allhie wandlen/ vñnd hernach so  
das sterblich hingelegt/ vñ das vnsterb-  
lich angezogñ ist. 1 Cor. 15. die eingege-  
ben burgerschafft vnd behausung Got-  
tes empfaben/ Johā. 14. vñ was wir  
hie/ in ainem spiegel vnd dunclelen wort  
erkennet haben/ werden wir dort von  
angesicht zū angesicht sehen. 1. Cor. 13.  
Das solle dir mein geliebte Schwester/  
vingefuß machen/ mit Got vnserm Her-  
ren vñnd Vatter (so es ye also sein will  
wäre) ainensollichen wechsel zutreibñ/  
welchen dein Vatter vñ lieber Egema-  
hel/ ja alle deine freünd vñ all glaubig/  
vorlangest (ob got will) schon gemacht  
haben/ Nemlich disen wechsel/ da man  
gibt ain zergenclichs vmb ain ewigs/

ain Sündtlichs vmb ain hayligis / ain  
sterblichs v̄m ain vnsterblichs / ain prests  
hafftigs vmb ain volkommens / vnd in  
summa ain vnsäligs vnd verdämlichs /  
vmb ain säliges / hailiges / ewigs leben.

Darumb dann Christus / seinen Jun  
gern / als sy auch etwas zusein vermain  
ten vnd sich freweten / das inen die Tei  
fel auch gehorsam wären / antwertet  
vnd sprach / des frewet eüch nit / wiewol  
es vor der welt ain freüd vnd etwas an  
gesehen ist / das alle Creatur / auch die  
Teüfel eüch weichen vnd fürchten müs  
sen / vnd ir inen herrschen möget / Das  
ist aber alles nichts / darüb frewet aber  
eüch / das ewre Namen geschriben sein  
in hymeln / Lu. 10. Wer nun dises bur  
gerrecht auß der waal vnd fürsehung  
Gottes genuemen / vnd in dis hymlich  
Jerusalem durch das blüt erkauft ist /  
Heb. 12. der mag sich / wie hie Christus  
sagt / wol frewen.

Also seind mit frewden all vnser Vät  
ter vnd vorfaren / ja all glaubig mar

§ iij

terer / frölich mitten in allen trübsalen  
vñ zufällen diser welt / in leybszwang /  
marter vnd angst / mit freunden vñ bes  
girden abgeschaiden / vnd in vnd durch  
sollichen glauben / den leyplichen Tod  
überwunden / vñ des fleisch aufflösung  
erlangt / Heb. 11. Vnd wie Paulus  
hiesagt / auch die zeit erlöset haben / dan  
sy wol gewußt / das die tag diser zeit böß  
vnd nit gut waren / Darumb dann sy  
mit lautter stym (wie dan du mein ge  
liebteschwester auch thun sollest) geschry  
en haben / vñ diese hailige Vers / auß dem  
H. David / vmb erlösung wegen / der  
zeyt vnd bösen tag / zu Got gebetten vñ  
damit abgeschaiden / wie auch Christus  
selbs gethan / vnd gesagt.

Vatter in deine hennnd beuilhe ich die  
meinen Geist / dann du warer Gott du  
hast mich erlöset / Psal. 30. Herre in der  
vnschuld aines glaubigen / bin ich ain  
hör gewandelt / So erlöse nun mich Herre  
vnd erbarm dich mein / Dann mein fuß  
ist ye aufrichtig gestanden 10. Psal. 25.

Als sollten sy sagen / ob wir schon auß  
schwachait gestrauchelt / vnd nach ge-  
naygter boßhait dess flaischs gefallen  
sein / so sein wir doch durch vnsern glau-  
ben an dich / widerumb auffgestanden /  
vnd auf die füß der aufrichtigen in Got  
widerumb getreten / vnd nye gar dar-  
inn still ligend beliben / Darumb haben  
wir dich in Gemainden Gottes on vn-  
derlaß gelobet. .c.

Wir seind Herre von deinetwegen /  
den ganzen tag getödtet worden / vnd  
wie die schlachtschaff geachtet / psal. 43  
Darumb erlöse Herre die Seel deiner  
knecht / von wegen deines hailigen Na-  
men / das er in vns / vnd wir in im ewig  
gehailiget werden / psal. 33.

Also magst du mein außserwölte sch-  
wester / wa es also dem Herren ist ange-  
sehen / dein letstes vnd aller bestes Te-  
stament auff die weyß mit Christo / den  
Aposteln / propheten vñ allen marterer  
Gottes / wol sicher vñ trostlich machn /  
vnd sonder zweyfels dise kron / die dir

vnd allen aufferwölten beygelegt ist.  
2 Timoth. 4. von Got deinem vnd vn-  
sern trewen vatter von hymel / gewis  
gewertig sein / Das wölle er dir verley-  
hen durch Christum Jesum seinen Sun  
vnsern Herren / der darumb in dise welt  
gesandt / zusüchen vnd sällig zumachen /  
was verloren war / Amen.

Das hab ich dir / meiner geliebten sch-  
wester / in ainer grossen eyl mit traylen /  
vnd dich in deiner schwachhait / als vil  
mir yetzumal gezymmet vnd möglich /  
übertragen vnd auffnehmen wöllen /  
Sonst andere tröst / wirst du / in disem  
büchlin (so ich den Krancken vnsterben-  
den zu trost zusammen gelesen vnd verfaßt  
hab) überflüssig finden / das magst dir  
auch lesen lassen / ich aber will hiezwisch-  
en mit der gangen Kirchen allhie / Got  
vnsern barmhertzigen Vatter trewlich  
für dich bitten / Der wölle dir deinen ge-  
lauben meren vnd stercken / auch Geist  
vnd gnad / seinen willen bis zum End zu  
erduhlen / verleyhen / Amen.

Zufflösung ainer frag von wegen  
der Seelen / so im Herren ent-  
schlaffen sein.

**E**S haben bissher jr vil vermaint /  
man dürffe von denen / so im Her-  
ren entschlaffen sein / nichts reden oder  
inenn nit nachforschen / Darumb das vn-  
der dem volck Gottes / von den Todten  
etwas zufragn / verpotten war / Deut.  
18. vnd haben den spruch dahin gedeüt-  
tet / als solte es so vil haissen / das man  
von den abgestorbenen nit reden oder for-  
schen dürffte / So doch der Text mit sei-  
ner deütung sich selbs erkläret / Nem-  
lich das es vil ain annders sey / von den  
Todten etwas fragen / vn̄ von den See-  
lender abgestorben menschen reden / vn̄  
bericht dauon nemen / Ihenes thün die  
Aberglaubigen Hayden / darvon der  
Her sein volck durch diß gebott abschre-  
cket / vnd noch heüt söllich von Christo  
gestraffet werden / Lu. 16. Dises aber  
thün die Christen / die von den Seelen der

glaubigen nit allain nur reden/sonder  
auch sich von irentwegen vnderainan-  
der trösth̄/vñ im herñ frewen. 1 The. 4

Derohalben soll es für kein Curiosi-  
tet vnd für witzefrag geachtet werden/  
so man fragt/wo doch die Seelen der ab-  
gestorbenen/zwischen hie vñ des grossen  
tags des Herren/ 1 The. 4. Mat. 25.  
hinkumen/dann es sein yelayder yetz zu  
vnsern gefarlichen zeitten/ir vil mit ain-  
nem sollichen verrüchten leben/vñ irri-  
gem gaist/dahin kumen/das iren ains  
thails halten/das Seel vñ leyb mit ain-  
ander sterben/Des andern thails/das  
die Seelen bis auff den jüngsten tag sch-  
lassen.

Die ersten/so mit etlichen Haidnisch-  
en Philosophis stymen/das die Seel mit  
dem leyb sterbe/die sollen am ersten den  
spruch wol betrachten/da Christus sagt/  
fürchtet euch nit vordenen/die den leyb  
töden/die Seel aber mögen sy nit töd-  
ten/sonder fürchtet disen/der Seel vnd  
leyb verderbñ mag in die hell/Mat. 10



Zum andern/da er der Herr Clarzinner  
steen gibt/das er von denen rede/die als  
lain den leyb vñ nit die Seel bedencken/  
vnd spricht/Matth. 16. was hilffts den  
menschen so er die ganzen welt gewunns  
ne/vnd neme doch schaden an der Seel:  
oder was kan der mensch geben/das er  
sein Seel erlöse: Zum dritten sagt er Jos  
hannis. 11. Wer in mich glaubt/so er  
auch sterben wurde (versteet nach dem  
flaisch) so sol er doch nach der Seel leben/  
Also befiehlt auch Christus dem Vatter  
sein gaist vnd Seel in sein hend Lu. 23.  
Also sagt er zu dem schacher/Heute wirst  
du bey mir im Paradeys sein. Lu. 23.  
Nun beliben ye baider Christi vnd des  
Schachers todte leyb am Creutz: c. Vnd  
suma summarum/also tringen all glau  
bigen vom Todt in das leben hindurch  
Johannis. 5.

Das aber der abgestorbenen Seelen/zwi  
schen hie vñ des jüngsten tags nit schlaf  
fen/wie etlich falsch leeren vñ glauben/  
vñ auß mißuerstand dises worts Schlaf

fen (das für sterben genummen wurde)  
Act. 7. verfür sein / gibe diser ainig spr  
uch Pauli genügsam zuuersteen / da er  
sagt / Er begere von seinem flaisch aufge  
löset werdn / vñ bey Cristo zu sein. Phi. 1  
Die sicht man wol / wa die Seelen solten  
schlaffen / so hett Er Paulus gesagt / ich  
will lieber schlaffen / vñ hett nit gesagt /  
ich will lieber bey Christo sein. Bey Chris  
sto aber sein ist nichts anderst / dann sich  
frewen vñ frolocken vor dem angeficht  
Gottes / in der schoß Abrahe / das ist an  
dem ort aller glaubigen / Darumb dan  
Christus von baider / der glaubigen vñ  
unglaubigen Seelen abschied / ain schön  
Exempel vnd geschicht vom Lazaro vñ  
dem Reichen anzaigt / Lu. 16. Es sturb  
der arm Lazarus vnd er wurde getra  
gen von den Engeln in die schoß Abra  
he / Es sturb aber auch der Reich / vnd er  
wurde begraben in die Hell / In Abra  
hams schoß wirdt Lazarus mit allen  
glaubign Seelen getröster / In dem flamm  
en / wirdt dises reichen Manns vnd

aller vnglaubigen Seel / grosse pein ley /  
den / Dann dieweyl die glaubigen / hie  
in diesem flaisch sehen vn̄ sich frewen des  
angesichts Gottes / wiewil meer wurde  
die Seel wunn vn̄ freüd haben / so sy von  
dem leyb der Sünd aufgelöst wirt. Also  
auch widerumb die vnglaubigen / die  
weyl sy hie sehen vn̄nd empfinden / den  
Teüffel vnd Hell / wie vil meer werden  
sy es hernach gewar werden. Dann hie  
haben die vnglaubigen / in iren bösen  
gewissen disen nagenden wurm / welcher  
er dort nymermeer sterben wirt / Esa. 66  
Die glaubigen aber / in Christo befridet /  
haben dise freüd / welche nymermeer von  
inen genömen wirt / Johān. 16. zu wels  
cher freüd / vnns Christus verhelffen  
wölle / Amen.

Gedruckt vnd geendet auff den  
13 tag Aprilis.


M. D. XXXI.

Faint, illegible text, likely bleed-through from the reverse side of the page. A small blue ink mark is visible near the top center.

Gelehrter Rath

M. D. XXXI.







24  
V. 172 d. 22 7

(K2009487)



271  
172



KEL  
TR  
LI  
UN  
RI



18





Inches 1 2 3 4 5 6 7 8  
Centimetres 1 2 3 4 5 6 7 8 9 10 11 12 13 14 15 16 17 18 19

B.I.G.

Farbkarte #13

Blue Cyan Green Yellow Red Magenta White 3/Color Black



Trostlicher vnderricht in Haimfü-  
chung der Krancken vnd sterbenden.  
Durch Michaeln Keller  
zu Augspurg.



Mitzwayenschönen Trostbriefen  
newlich gemeret vnd gepesseret

